



嶺集

第五十二卷

獻徵志六

第五十三卷

獻徵志七

嶺集總志

湖廣總志卷第五十一

獻徵六 國英

國朝李廣咸寧人父鵬翔有時名吳元年平定豫章以廣同陶從善招諭熊天瑞有功擢江西行省叅議

又觀蒲圻人洪武初明經任本學訓導以身立教士知取則十八年辭秩家居與物無競

魏觀字杞山蒲圻人元呂忠肅公讀其詩薦之辭弗就江漢既平觀被徵 上與語奇之授平江學正進淞江

提刑僉事吳元年為起居注洪武初命說書大本堂上召偕宋濂諸臣遊觀內苑燕紫閣御製詩賜之命各

湖廣總志卷第五十一  
丙午年

賦詩觀奏詩 上大喜轉太常卿命改定太廟祝文稱  
孝子皇帝立凡遣太子行禮稱長子某者爲令編集大  
明志成進國子祭酒坐考祀孔子禮不以時奏謫知龍  
南縣召還爲禮部主事 上賜燕奉天門曰前日逐卿  
去今日與卿飲何樂哉仍命賦詩廷臣薦觀有治才出  
知蘇州府時兵後禮文衰落觀至建學舉鄉飲禮定儀  
節吳中風教勃興擢四川行省參知政事蘇父老疏留  
仍還邵尋以修府弟子士誠故基及浚錦帆河御史張  
度誣論之遂與高啓王彝竝坐死未幾 上思觀賜祭  
祭觀高朗端重學博詞贍事至不擇利害有古人臣風

劉任武昌人元四川行省參政洪武初召爲兵部尚書  
後出爲廣東行省參政以善政聞時東莞伯何真降附  
任處之得宜後其子叛復附召爲應天府尹

蔡哲字思賢武昌人仕陳友諒爲監察御史歲壬寅來  
歸授江西行省理問陞右司郎中命往贛州招諭熊天  
瑞遂遣子入朝擢哲中書省參政命往蜀報僞夏明昇  
聘哲因挾畫史同往圖其山川險要因言昇可伐卒用  
其策改四川僉事尋進福建參政未幾復召還爲御史  
以所舉御史犯法被劾免官卒 上深惜之

劉維咸寧人洪武初定鼎金陵諸司營構徵辟草創事

宜授工部尚書

曾泰江夏人洪武初以秀才徵學行兄字上重之每慷慨論事言無不從超拜戶部尚書

陳宜字仲誼嘉魚人洪武中授桂林衛經歷替畫戎政召為兵科給事中改工部主事轉員外郎永樂時營建兩京劾勞居多洪熙初擢廣西叅議中允王愷撰文稱其德懋厥官凡三十年老而不倦

陳文禮字貴和蒲圻人洪武中監生拜監察御史嘗鞫疑獄夢得殺人者質之果驗名遂日振

胡興福崇陽人國初知本縣兵燹後縣署皆其創造民不知勞迨今頌之

陳文宗字景周崇陽人洪武中監生拜吏科給事中出補江西僉事風采肅然

成務興國人洪武丙子鄉舉永樂間拜監察御史以振揚風紀有聲超擢貴州按察使

朱忠崇陽人洪武中監生知清流縣時群盜嘯聚忠抵賊巢撫之賊乃出降擢員外郎進汀州知府

辜臯江夏人洪武初知饒州德興縣招撫流亡聚兵障寇時開礦摧銅為民患奏請罷之乃修學校建橋梁拓秦蕪雞犬相聞遂為樂土

夏則中武昌人洪武中知興寧縣值周寇亂又官兵壓境弗靖則中訴於征南將軍得免橫酷招撫流亡民病官田稅重莫肯承籍則中請以官田減同民產定賦分給耕業歲饑發廩振捄殍復生

周縉字伯紳武昌人元太學生洪武初授東清典史攝縣事以廉幹稱靖難兵起守令相率迎降縉極力拒守自度兵寡不可為懷印南奔將他圖道聞繼母喪歸終喪糾義旅勤王戎器畧具聞事定遂匿民間後械至京謫興州年八十終

卓濟字濟翁湘潭人宋學士世績後裔濟少力學元末

濟州騷動濟集眾捍鄉邑尋歸胡大海於建安署為戶從王元帥敗陳友諒軍于江西復從擊張士誠軍于龍潭洪武元年從胡左丞平昌國海寇又從徐指揮北征至北平遂屬常遇春追也速丞相軍復從文忠赴大將軍徐達于慶陽已而由代踰雁門拔大同至馬邑敗二國公軍追至雲內明年出居庸夾擊雲州戰駱駝攻上郡攻應昌等處所至俘獲以功受賞尋又領軍擒鹽徒六百餘人破葦保五却吳達三等寇時從征者多乘時剽畧惟濟秋毫無犯云

徐祥大冶人洪武時燕山護衛副千戶以恭謹侍直靖

難兵起命征居庸關及真定拔未平皆有功封興安伯  
食祿千石賜鐵券徐在諸將中年稍長及封益勤慎不  
敢驕心永樂三年卒

戴思明蒲圻人洪武中父祥遇虎於野亟往救之搯虎  
亢至虎死父乃脫

劉仲庶江夏人洪武乙丑進士淳質有守永樂初管建  
北京多劾勞績陟工部侍郎

范俊大冶人洪武間以貢拜監察御史歷陞左僉都御史  
立朝以風裁凡稱與同時李興邦艾良並名權貴避

李祥咸寧人洪武初督府斷事歷遷尚寶寺卿浙江按  
察使為人識度明雅威儀莊肅上素重之親為誥詞  
極其褒美云

黃琛武昌人初名寶歲壬寅以帳前參隨舍人擢兵馬  
副指揮上愛其謹厚命尚皇兄蒙城王女慶陽公主

甲辰為聚寶門店官乙巳授管軍千戶改龍江翼守禦  
千戶王師征討及鎮守畿甸多著勞績洪武元年封皇

姪女為慶陽公主授琛駙馬都尉歷擢中都正留守驃  
騎將軍卒賜葬鳳陽之白塔原子鉉以恩擢左軍都督

府都督僉事

姚善字克一安陸人洪武中鄉薦為行卓識工詩同知  
廬州重慶二府所至有能聲擢知蘇州府時吳民習染  
夷俗僭靡豪室侈用善至繩以重法囂訟者更持短長  
蠶起難治善洞達政體周悉人情張弛寬密允協時宜  
數造請郡賢考求治道稍因俗救止由是吏民嚮義轉  
稱大治三十二年京師平時黃子澄走匿善所索之急  
約善航海善曰在公則可在善則不可吾守上之臣當  
與同亡子澄去未幾善竟伏節死

唐本忠其先監利人徙京山幼聰哲才氣不凡厲志問  
學會倪文俊起沔陽聞本忠名召之本忠拒不往洪武

論建宮墻育士類甚有

孫素景泰癸酉舉人知崑山

小諸一每食人給一枚後徵南道

為時所尚

山人洪武初舉經明行修以母老辭歸

授本縣訓導敦朴有範勤于訓迪子從道字

舉人授廬州通判時以清慎聞上賜羊

樂初擢知徽州誅豪猾郡中清淨憂起調永

校年饑發振不待報虜入境從間道追之遁去

東按察使



歐陽謙字伯益沔陽人洪武中舉明經授耀州學正擢御史永樂初谷庶人叛命謙密察之謙野服具舟隨賈人之長沙具得庶人秘謀歸報遂討其罪以功改編脩轉考功郎中優於文學所著有滄浪集

張天麒荆門人國初知景陵與指揮李廷琛脩築城垣協力保障境內賴之

但元行安陸人洪武中知武陵開荒田興水利建公署民賴之

周敏字好學沔陽人洪武中任浙江按察副使性明敏遇事立斷庭無滯囚

李宗信潛江人洪武監生授監察御史改大理評事出知保寧府躬均賦役驗丁覈實民賴之銓司奏績上曰李宗信能臣也不在考列永樂間擢交趾按察使忠義滋奮吏民畏服乞歸賜以鈔俸

唐奉先京山人洪武戊辰進士為監察御史父本忠坐事繫詔獄奉先上書願代父刑上震怒欲連坐已而感悟為貸其父遷奉先為前軍都督府經歷

陳昂漢陽人洪武中以明經薦拜監察御史擢山西按察僉事

陳文通漢陽人洪武中以人才薦仕至廣東按察僉事

陳傑漢川人洪武中以明經薦歷官江西叅議

蘭以權襄陽人洪武初以才能選授中書省照磨丞相

汪廣洋噐之值廣西寇作特遣撫之宣布威德徃徃底

平擢禮部員外郎晉應天尹

任亨恭襄陽人幼穎敏出群年十三即賦朝天詩識者

竒之有司薦赴應天中式洪武戊辰試亨恭條對詳切

即以天丁爲已任上親擢第一授脩撰進少詹事尋

進禮部尚書時改正書經蔡傳命亨恭刊布尋議世子

襲爵亨恭授禮以爲証從之同御史嚴政直使安南論

以討龍州趙宗壽之故俾無致疑安南陳日焜聞命畏

恐即奉詔貽書亨恭復書示以朝廷用兵之意以慰安

之使還以市夷子改監察御史所著有使交集

王興福隨州人元至正丙午興福守徽有善政遷知杭

州時杭初內附人心恟恟未安興福明於大體撫輯多

方寬簡不苛大慰民望吳元年四月不雨至六月興福

致禱立應歲獲有年洪武二年肇建山川壇于鳳凰山

麓裡祀中節秩滿召還父老遮留興福慰諭遣之曰予

此能惠爾乃爾能奉灑遵約束爾上聞而嘉之陟吏

部尚書三年坐事左遷西安知府

王鏞隨州人洪武初以才能薦授鎮江府通判五年擢

知嘉興府政績卓異入爲戶部侍郎尋復出知嘉興又  
之免歸

樊士信應城人洪武乙丑進士以兵部主事守淮河北  
兵南下士信禦之力不能支遂死之靖難後夷其族族  
竟滅云

周梅孝感人洪武中以卓行薦任福建按察僉事水蘖  
之操始終不渝

陳居敬字直方應城人洪武間舉明經任本縣訓導擢  
石首教諭嚴毅方正師道克立祠之

洪武三十一年舉于鄉拜監丞御火出捕

山東參議召入爲工部侍郎未幾初漢庶人謀奪嫡諸  
宮寮諸臣楊溥王愷等及壽壽下獄十餘年而卒仁  
宗登極贈工部尚書子瑞亦有才名官歷戶部侍郎  
賀子亨隨州人洪武中以通經授本府教授歷慶遠知  
府恪勤有聲爲時推重

王時興應山人由吏材國初以單舸赴鄱陽之捷擢拜  
吏部尚書洪武己巳調西安知府復爲刑部尚書見聖  
政紀

肅壽字君美德安人年二十陳友諒起荆湖拔爲萬戶  
壽日夜思自拔歸附不克如志居常鞅鞅及友諒戰死

壽乃以所領舟師歸。上于鎮江授總旗守嚴州。僞吳張士誠軍大浪灘其舟如織。壽乘快舸挺戈而前。衆皆披靡。大軍繼之。士誠軍大敗。以功受賜。吳元年從攻台州。先登。火其浮橋。獲馬。戰艦。尋攻福建諸城。悉平。又從林都督擊海寇。走之。又從李文忠拔閩溪諸砦。進昭信校尉。尋從李文忠北征遼。克惠錦。大寧。全寧。遂渡遼河。敗慶僧國五軍。進攻上都。回次蔚州。拔大同。從擊興和。應昌等州。拔虹螺山等屯堡。遂及大尉軍戰于駱駝。以從征功。加承信校尉。十四年冬。復同千戶馬俊出擊山寇。凡破數十砦。斬首數百級。生得僞官士卒三十人。奏功。賜賚楮幣。

章貞祖。岳寧波人。洪武初。任隨州學正。遂家焉。貞性孝愛。景泰中。舉鄉薦。授訓導。擢通江教諭。比歸。念先世恩。不置廬于墓側。日供饌。培土者三。始終不倦。

丁普。卽黃陂人。從征。陳友諒有功。授行樞密院同知。復與友諒戰死於鄱陽。身被十餘創。首脫。猶執兵。若戰狀。在立不仆。贈柱國上將軍。封齊陽郡公。從祀康山忠臣祠。

康茂才。字壽卿。蘄州人。元季寇亂。蘄州陷。茂才結義旅。捍禦立功。至都元帥。上渡江時。茂才力戰立寨。天寧

洲諸將以襄陽大砲破茂才寨茂才奔至京師不能脫  
率兵三千來降上喜得茂才立拜秦淮翼水軍元帥  
守龍灣取馬馱沙克樅陽改屯田使仍兼帳前總制親  
兵左副指揮使友諒既破姑孰將窺建康公上密諭茂才曰  
友諒且入寇吾欲速其來分其力給告以虛實非汝莫  
可使者對曰家有老閹舊事友諒令持書往必信茂才  
爲書言上不足與有爲兵弱地蹙四面勅敵僕委身困  
阱欲奮拔鱗翼倘大將軍分道進便當納款建康可  
唾手得也友諒得書大喜問康公安在曰守江東橋問  
橋何爲曰木橋遣閹者歸書答茂才余某日至橋所呼  
老康公即我應內外奮擊功成官賞不爾吝茂才以書  
上上曰虜且墮彀中矣即命善長日夜易橋鐵石友  
諒至見鐵石橋愕然又連呼老康不應遣視營中瘠馬  
敝旗四散落落益大驚曰老賊給我語未畢伏兵四起  
友諒狼狽走得脫擒殺將士數萬茂才從破斬黃戰鬪  
陽湖圍武昌有功陞副都護收湖南敗吳巫子門戰尹  
山橋逼蘇州軍其北門吳平進督府同知兼太子左率  
府使又從征下齊魯關隴鎮河中節制太原諸城再征  
漢中奉詔還軍中因疾卒追封蘄國公謚武毅子鐸洪  
武三年以茂才功封蘄春侯食祿千五百石賜鐵券

劉廣羅田人洪武中以軍功爲指揮僉事守永平有膽畧善用雙刀嘗病殆語人曰吾當臨陣死王事安能居牖下死兒女子手乎後胡騎入寇廣率四十餘騎遇於城北力戰死之事聞遣使護喪至京賜楮幣以塋吳山字仲安麻城人洪武初舉明經任合州教諭善教士擢知內江縣以廉稱尋以憂去補知青城至石首卒山博學多聞尤精於春秋鄒來學輩皆出其門

黃安泰蘄州人洪武元年知彭澤縣時兵燹後道路艱阻安泰不憚跋涉以身勞國廉勅爲政民賴以安

李寧字景安麻城人洪武初知餘干才識英發群盜肆

掠寧率鄉兵協同官軍擒其渠魁復以土兵邏散其實數百人歲饑移粟賑民民懷其惠作遺愛文

劉從政字恭明麻城人洪武癸酉鄉舉第一人登甲戌進士拜監察御史蹇諤彈劾不避歷河南山西叅議皆

清慎綽著能聲卒于官

楊敬麻城人洪武初知富陽縣創置廳宇建學校寬猛得宜民懷其惠

徐麟廣濟人洪武初授宣武衛鎮撫歷河南府同知時故元降臣宋王集散卒謀夜叛以刻漏爲期麟庶知之戒司漏者故延滯愆期寇疑不發逮明遣邏卒盡獲之

以功陞秩賜金帛後調蘄州歷官求道訪三州俱有政  
聲

黃紹祖蘄水人洪武中貢入胄監老成有才陟刑部侍  
郎

詹徽黃岡人洪武中任都御史持憲有聲大誥嘉美之  
吳榮一黃岡人吳泰伯之裔洪武初棲中和石壁山種  
蔬養鶴博覽豪吟凌轢巢許嘗荷鏡斷藥濟人徙在菟  
厥後有王瓚及思裕者俱以隱德名

唐岳平江人洪武初舉明經任本學訓導勤在誨迪士  
心翕然

楊維九溪衛人洪武中以貢拜監察御史剛毅不撓  
獄明慎

蕭忠岳州慈利人性質直洪武中入胄監任陝西按察  
僉事貞肅憲度鋤強理冤人稱神明歷山東左布政使  
以事左遷高密典史求樂初轉江西僉事調廣西卒于  
途

方必壽巴陵人洪武乙丑進士初知宛平以政績著尋  
擢北平太守歷陝西按察使操履堅確赫然有聲于廷  
王克紹厥緒登末樂乙未進士歷官浙江布政使裔孫  
純登正德辛丑進士歷知華亭內黃清苦練達召拜監

察御史舉劾方面不避恩讐擢大理寺丞

戴本昇澧州人洪武中貢入胄監拜兵科給事中出補

廣西叅議以政績著稱

陳堅臨湘人洪武中知長樂縣時遭兵燹黎民阻饑堅

請賑之賴全活者衆復奏立守禦千戶所創築城池

范瑛巴陵人洪武中貢入胄監授臨江同知愷悌宜民

擢姚安太守

易英字以和澧州人洪武中以明經薦授本州訓導擢

工部虞衡主事轉郎中永樂初出補河南左叅議調浙

江政尚寬簡作新學政陟禮部左侍郎尋奉祀海神于

杭州平道

張從道平山人洪武中舉于鄉除廬州府通判勤能有

聲永樂初以賢能薦擢徽州太守在任盡心民事有古

循吏風後調守永平政聲益著

吳琳字朝陽黃州人應澍之子性純慈力於問學洪武

中召為國子博士歷浙江僉事入為起居注進至吏部

尚書致仕弟琛字文錫任衢州府同知

楊節樊城人洪武末以經明行修授徐州知州政以厚

俗為務郡大疫遣醫治療躬自督視俸給貧者獎拔士

類任六年屬邑各上疏留之擢大理知府



李文郁襄陽人洪武中以明經累擢通政司叅議永樂初陞戶部郎中坐事謫戍遼東洪熙初召復叅議文郁介有患難不移宣德中致仕

張緝襄陽人洪武庚午舉人拜監察御史有直聲擢廣西按察副使公廉有威百粵肅然

陳讓穀城人洪武甲子舉人授刑部主事讞獄明允改御史銓司以品級相拘爲言上稱讓賢命擢之

張秉彛石首人驍勇有智畧初仕陳友諒爲樞密院同僉守韶州王師克贛州遂以軍降授贛州指揮同知仍守韶州後改廣州衛指揮同知調守雷州修築東洋圩

岸六十餘里以捍海潮又濬特呂塘水利民甚便之海寇黑面鍾逼欽廉秉彛討獲之累遷水軍右衛指揮使燕貴民字逸德江夏人累以賢良徵不赴翛然獨往深山絕壁或臨水濱嘯歌終日感物寫懷濡毫揮藻逸氣鬱發識者重之

何燭字仲明蒲圻人槐孫之子學有源委慎然自檢以薦行聞國初授休寧縣簿時徵賦督迫燭區畫有方民賴休養採木植築城垣不憚寒暑後坐事呈免民慕之復以明經薦知雲南鎮南州

劉翼字子羽監利人洪武初以明經授安慶訓導拜監

洪慶總志  
察御史親王有假法駕出城者已獲俞吉翼諍之大忤  
繫十年方釋

尹必用江陵人洪武中貢入胄監才識通敏歷陞通政  
使

裴璉監利人洪武中以明經薦知劍州遷浙江僉事執  
法不撓被誣褫職起監察御史以平寇功擢河南副使  
以事免尋改刑部主事歷侍郎璉持風節得喪夷險以  
之

裴承祖長陽人洪武中以秀才異等拜監察御史命同  
御史張亨等八人署都察院事承祖劾奏武定侯郭

秘蓄家奴擅殺 上命議其罪已而宥之尋出為浙江  
僉事治獄平允不事苛刻擢江西按察使

韓守益石首人洪武中監生授官都教諭作士有功召  
入監察御史與子春同改右中允守益問學博雅善屬  
文其於詩尤渾沉可誦先是方孝孺入補建文君改翰  
林為文史文翰二館子春守益列侍法筵有言必盡

鄒師顏字希賢宜都人洪武中監生授戶部主事承樂  
初改行在監察御史劾御史李公敏娶監囚親屬為妻  
廉耻道喪 詔命都察院鞠之自是風紀肅然陟大理  
寺丞擢禮部右侍郎

唐有夷陵人領洪武丙子鄉薦歷官兵科給事中仇有  
收言聲觥觥起朝宁聞未樂已亥卒于官時仁宗以  
太子監國因爲文遣給事中胡廙往祭曰爾以儒發身  
擢居近侍從子居守屢進直言恭勤不懈予素嘉之奄  
茲云沒故遣祭以示悼惜之意靈其享之卒後家止土  
屋一區不蔽風雨其廡若此

楊浩江陵人洪武間以人才任木縣訓導戡迪有方歷  
廣平知府遇事敢爲時有巨盜流劫浩設方畧捕獲之  
興學校均賦役民立祠祀焉

傅獻松滋人吳元年授江西行省官陳友諒既平擢

書省左丞歷參知政事與李善良定律令奉

務從簡當洪武元年上郊廟議時近京師火四方水

旱相仍上諭修省獻以天心仁愛爲對引罪自居於

是詔中書省及臺部集耆儒講求彌災事宜

王賢字希昭江陵人性公有尚義洪武初入太學與友

王讓同居讓以事往江南以故人所贈銀十兩并已衣

一篋托賢收之未幾賢除鹽城尹携之任讓回授泌陽

令尋卒後十餘年賢致仕歸召讓子以所寄與之其子

曰父素貧安有物寄乎沒時言未及此賢曰人無信不

立如子却之後何面目見故人在地下邪遂強授之其

子發封見父故亦乃泣而受

彭友信攸縣人洪武初以貢至京遇

上口占虹霓詩二句云誰把青紅線兩條和雲和雨繫

大腰命續之信應聲曰玉皇昨夜鸞輿出萬里長空駕

玉橋上大悅問其籍命翌晨候於竹橋同人朝信如

言候久弗至遂失朝上召至殿前問故具以實對

上曰此秀才有學有行命爲平布政使

陳南賓茶陵人元進士任全州路學正洪武初辟爲無

錫縣丞歷翰林侍講進洪範上嘉納時蜀獻王之國

命爲長史至蜀朝夕獻納尤被優禮令乘車出入仍構

室以居之

李興邦寧鄉人洪武中監生拜監察御史累遷僉都

史獨秉風裁權貴歛跡

周謨瀏陽人洪武中以明經舉拜河南左叅政問學博

洽優於吏治

周幹瀏陽人洪武中監生授山西布政照磨廉慎有爲

累遷浙江布政使有惠政

周舟益陽人洪武中知句容縣永樂紀元群臣朝謁

上夜夢金水橋中有大舟乘載小舟詰朝問吏部群臣

中姓名以舟爲符應即擢舟大理卿克稱厥職

陳順成攸縣人洪武乙丑進士拜監察御史毅然以天下為己任憲度貞肅百僚憚之

賀守貞攸縣人洪武辛未鄉試第一人甲戌進士拜監察御史糾正貪墨所至以風裁著稱

劉聲遠湘鄉人洪武中領鄉薦知梁山縣有政績入為戶部郎中永樂中以才名出補交趾布政司叅政尋調

山東

張哲善化人洪武丙子舉人歷吏部郎中操履清慎官至浙江布政使

賀興隆安化人元末率民兵保障鄉邑甲辰歸附太

祖從胡海克寶慶授指揮討祁陽賊歿于陣上賜勅褒之有曰唐兵未出睢陽之勢已孤智伯漸強晉陽之城已浸首雖可折心乃不移追封行中書省叅知政事為立祠祀之

黃英醴陵人元末授脩武校尉率孤軍克復武昌取糧安慶以衆歸附太祖克先鋒守江陰復隨大軍討樅陽歿於陣贈武畧將軍追封江夏縣男

劉三吾名昆孫以字行長沙茶陵人兄耕孫壽孫皆事元死難三吾少習舉子業元季避兵廣西授靖江教授儒學副提舉王師克廣西乃歸茶陵洪武十八年通政

衡山茹瑺薦其才可大受乃以爲左春坊左贊善三吾年已近老博覽書記應對詳敏屢承顧問悉多稱旨七月成寅上問侍臣以民生安否三吾對曰賴陛下威德四方無虞盜賊屏息歲比豐登民咸安樂上曰天下之民之衆豈能保其皆安朕爲天下主心常在民惟恐失所每加詢問未嘗一日忘之三吾曰聖心拳拳若此恩德之及民者深矣上曰恩德亦非汎然譬如盧扁不施藥石疾不自療匠如公輸不施繩墨木不自止君如堯舜無紀綱法度之施而但曰恩德所謂徒善不足以爲政也上嘗命儒臣編集歷代帝王祭祀

禮典感應可爲鑒戒者萃爲一書名曰存心錄命三吾編集漢唐以來災異之應於臣下者別爲一書名曰省躬錄二十年二月甲辰御注洪範書成上謂三吾曰朕觀洪範一書帝王爲治之要道也所以叙彛倫立皇極保萬民叙四時成百穀本於天道驗於人事箕子爲武王陳之武王猶自謙曰五帝之道我未能焉朕每爲惕然遂疏其旨朝夕省覽三吾曰陛下留心是書上明聖道下福生民爲萬世開太平者也遂命三吾撰序三十一年五月乙酉五色雲見三吾進曰雲物之祥徵於治世舜之時興於詩歌此實聖德之致也上曰古

人有言天降災祥在德誠使吾德靡悔災亦可弭苟襄其德雖祥無應國家之慶不專於此也二十二年十一月乙丑朔上御謹身殿因論治民之道三吾曰南北風俗不同有可以德化有當以威制者上曰地有南北民無兩心帝王一視同仁豈有彼此之間君子懷德小人懷惠施之各有攸當焉爾十二月癸亥上謂三吾曰愚民犯法如啗食飲酒嗜之而不知止設法以防其犯而犯者益多推恕以行吾仁而仁或可濟三吾曰三代而上刑罰常簡本仁恕也三代而下刑罰常濫以威刻也上曰善為國家者惟以生道樹德不以刑殺

立威二十四年七月命攷定武臣封贈之制十一月

上御武英殿觀書至惠迪吉從逆凶乃曰凡人罹凶咎

無不自己求之者彼事勢窮促盡求苟免竟亦何益三

吾曰如是者當聽乎天上曰心無所愧可聽於天若

其自求於天何預二十七年正月辛巳上退朝謂三

吾曰朕歷年久而益懼者恐為治之心懈也懈心一生

百事皆廢生民休戚係焉故日慎一日惟恐弗及如是

而治效猶未臻甚矣為治之難也自古先王之治必本

於愛民然愛民而無實心則民必不蒙其澤民不蒙澤

則衆心離于下積怨聚于上欲國家不危難矣三吾曰

陛下之言及此。天地神人之福也。三月辛丑。又謂三  
吾曰。人主之聰明不可使有壅蔽。一有壅蔽。則耳目聾  
瞽。天下之事難達矣。三吾曰。人君惟博采衆論。任賢使  
能。則視聽廣而聰明無所蔽。若信任儉邪。隔絕賢路。則  
視聽偏而聰明爲所蔽也。已。上曰。人主以天下之耳  
目爲視聽。則是非無所隱。而賢否自見。昔唐玄宗內惑  
于聲色。外蔽于權奸。以養成安史之亂。及京師失守。倉  
皇出幸。雖田夫野老皆能言其必有今日者。玄宗雖恍  
然悔悟。亦已晚矣。夫以田夫野老皆知。而玄宗不知。其  
蔽于聰明甚矣。使其能廣視聽。任用賢能。不爲邪佞所

惑。則亂何從生哉。七月己酉。上因改定書傳。謂三吾  
等曰。朕每觀天象。自洪武初有黑氣凝于奎壁。今年春  
暮。其氣始消。文運當興。爾等宜考古證。今有所述。作以  
稱朕意。於是禮遇諸儒甚厚。各賜以綺繒衣被。又御製  
詩命次韻。和之。朝參則列于侍衛之前。燕享則坐于殿  
中。仍以朝鮮所貢玳瑁筆。賜三吾。及脩寰宇通志。禮制  
集要。成俱倍加賞賚。三十年命三吾主考會試。北士偶  
黜。竟以是獲罪。三吾爲人慷慨坦夷。不設城府。自號曰  
坦坦翁。至于大節。則屹乎其不可奪也。上嘗欲易太  
子。三吾痛哭曰。太子天下本。若欲易之。置秦晉二王於



何地事多忤旨降爲博士久之乃復爲學士

譚子發茶陵人洪武癸酉領鄉薦英敏善屬文初授國子博士歷陞祭酒嘗撰梅子洲賦時祭酒孔克堅王顯宋訥魏觀後先居成均而子發繼之克自樹立文章模楷士林稱之

馮貴字孟敬武陵人性剛直平生以忠義自許第進士授兵科給事中彈劾無所忌陞交趾布政司叅議遭喪以夷酋黎利叛奪情理事陞本司叅政勤設方畧屢著奇勛與黎利兵對敵奮不顧身力不能支乃曰忠臣事君有死無二今力屈矣當死何疑遂遇害洪熙元年贈

交趾左布政使

何頴武陵人洪武庚辰進士授峨眉知縣興革利弊民懷畏有失牛者吏捕得之頴察其非乃默禱於神果獲有盜風聞鄰境累官江西按察僉事

胥必彰字德鎮龍陽人洪武癸酉鄉薦拜監察御史善持風紀彈劾不避一時權勢震悚稱爲真御史擢福建按察僉事轉浙江叅議所至俱有聲

梁德遠邵陽人洪武乙丑進士父廷用任戶部郎中逮繫詔獄德遠中甲科不赴瓊林宴及父謫戍上言請以身代高皇帝憫其孝命釋其父拜工科給事中

萬慶孫臨湘人洪武間以孝廉舉授大名府同知  
李原暹邵陽人洪武中以才能薦拜監察御史擢雲南  
按察僉事

劉必榮字懋德武岡人洪武初以才能授浙江按察僉  
事以言事謫歷寧夏河集廣東提舉擢鴻臚少卿交趾  
黎季犛亂詔遣必榮往撫之既至季犛遠竄必榮直抵  
其穴季犛出迎必榮諭以朝廷威德季犛感服隨以黃  
綺謝悉不受還獻于朝自是凡三使又往哈嘛諸國咸  
稱使任

李昌淑浦人洪武中由明經任富順訓導諸生有婚喪  
不能舉疾病不能醫者昌領藥以濟一夕有盜爲邏者  
所獲縛至學宮前時天寒昌聞其呻吟聲啓門詢其故  
盜曰吾母年八十無以爲養遂至此乃解其縛呼酒飲  
之遺以金米俾歸養母謂之曰此事不可再也盜拜泣  
而去

廖時雨黔陽人洪武乙丑進士授鉛山縣丞簡默誠篤  
心志淡然居官甫一載即解組歸以 德自重

劉有年字大行沅州人元季自廬陵徙居洪武中以明  
經薦拜監察御史學行優卓尋以辭秩養母忤旨謫通  
州翰站後於州中舊家檢閱儀禮逸經十八篇上之

上命付史館建文中起知太平府持正尚古抑橫軍革  
黠胥去淫祠釐蠹政以儒術飾吏治當塗人士多懷之  
靖難師至不行迎駕謫戍雲南遇王文忠公子紳自滇  
旋一見以道義相許黔國知其賢遣子就學厥後交阯  
平起爲按察僉事卒于官

劉必聰沅陵人洪武丁卯領鄉薦嘗留題于郵亭云爲  
國時垂淚觀天或自舒原非漢諸葛三顧定何如部使  
者薦諸朝拜監察御史振揚風紀所至肅然

蔣奎沅州人洪武乙丑進士授刑科給事中剛毅有爲  
奏上封事皆切時政卒于官

夏銘善溆浦人幼聰辯性剛勁登洪武戊辰進士拜監  
察御史以直道自持僚友憚之卒于官

蔣節永州人初領義兵千人結寨爲保扞歲甲辰歸附  
入租賦供徭役後李指揮叛節率兵從討賊有功及湖  
南寇起節擊走之督府上疏謂今靖州安撫司雖朝廷  
設官鎮壓然黔陽實在遐陬居人四散况會同縣舊有  
城池若以蔣節爲安撫司官領其部曲脩葺城池自備  
糧餉招撫夷裔討平靖州山寨且耕且守上策也 高  
皇帝嘉納之

廖思敬衡州人洪武間以明經任直隸常州府學教授

與修性理大全纂輯諸家註釋頒行天下學校

劉紹先衡山人洪武甲戌貢入胄監知休寧縣勤以蒞政賦役均平丁丑坐事免休寧耆民孫子任赴闕懇留

高皇帝嘉之復其職尋以母憂歸服闋補知肅州擢刑部員外郎歸躬耕衡山下有驛使問其家紹先適操耜在田間親指示之已乃具衣冠出揖驛使驚歎而去鄧偉奇字子才衡州安仁人登洪武乙丑會試第一人

高皇帝親製策試時預試者四百七十二人擢丁顯為第一偉奇次之俱授翰林脩撰先是辛亥開科以吳伯宗為首至是始復臨軒之制偉奇天資秀異博洽穎

敏善屬文尤長於詩是科最為得人而二甲馬京為編脩吳文為檢討三甲楊靖為庶吉士蹇瑤為中書舍人厥後俱為名臣云

茹瑄衡山人洪武中貢入胄監授承勅郎累擢兵部尚書定文武官封贈之典及武官庶子襲職例悉從宋制上以瑄卓異并其田塘園林一切租稅悉蠲之加太子少保革除間以尚書掌河南布政司事靖難師起瑄主兵餉文皇帝登極以瑄有征討功封奉天翊運守正文臣特進榮祿大夫柱國太子少保兼兵部尚書忠誠伯食祿一千石子孫世襲賜券重脩高廟實錄瑄為

副總裁書成賜賚優渥詔以秦王長安郡主嫁其子  
鑑禮遇崇峻後致仕尋以事逮至京師卒於獄宣德初  
官其幼子鏞鏞以瑞在功罪之間不敢受

譚有德安仁人洪武乙巳貢入胄監授知荅州蒞事精  
敏遷知揚州府轉廬州府擢四川按察使詳慎刑獄廉  
介自持有政聲

李思聰字仲謀桂陽人洪武甲戌進士授行人時緬國  
及百夷稱兵爲亂高皇帝遣思聰往諭之思聰宣布  
詔諭緬人聽命願罷兵事竣圖其山川險要以獻上  
覽之嘉悅擢江西叅議至即肇創貢院興學校稱爲名

### 宦之首事載五倫書

曹嗣宗字世傳郴州人洪武庚辰進士初授四川達縣  
丞達本宥渠故地開創官府修六相樓以祀唐李嶠劉  
晏元稹李適之韓滉宋張商英士民感化郡守嚴峻德  
薦之擢陝西僉事調江西廣東叅政所在治績懋彰民  
懷其惠

黃茂桂東人洪武中貢入胄監才識通敏拜應天府尹  
修明政事振立紀綱建康多被其澤

蔣義崇陽人通經史隱居不仕洪武十四年有司薦之  
竟以老疾辭歸

陳德芳施州人少聚徒教授洪武四年王師伐蜀德芳  
諷施南覃州隆降附乃代爲狀上前朝符印以兵助攻  
瞿塘關中帥欲酬其功德芳固辭不受蜀獻王以卓行  
薦使者及門芳踰垣遁去賜冠帶粟帛銓授州學正  
劉儁字子奇江陵人父從政感異夢書儁字是夕生遂  
名儁幼磊落不羈讀書日記數千言既壯志益堅言若  
不出諸口遇事剖決有方洪武乙丑進士歷陞兵部尚  
書永樂丙戌日南十紀擇廷臣有全材者總督軍務儁  
受命運籌夜以繼日帥壓賊境罔弗克捷上深嘉之  
未幾餘孽嘯聚復爲邊患遣儁同大將軍英國公張輔

之儁曰此行當以死報國抵光州親犯矢石所至輒  
出奇制勝一日至大安海口遇颶風大作揚沙走石莫  
辨南北進退無據長吁曰天平夷賊背天我實奉天遭  
時如此豈天才欲邊民平治哉且戰且行後軍弗前勢  
孤援絕遂陷賊中賊挑之曰若順我共享富貴保全爾  
生儁厲聲曰逆賊弗共戴天殘害我生民擾害我邊疆  
我奉命行討不肆誅戮特用撫安以彰 聖天子好生  
之德爾乃罔悛復勞天討今日之厄氣數耳戲使之揖  
復罵曰堂堂華夏衣冠大臣豈爲爾狗鼠輩屈耶天兵  
復至爾輩噍無遺類耳遂遇害 上聞之痛悼命招魂

葬之贈榮祿大夫柱國少傅謚忠敏官其子奎為給事

中弟傑

劉傑幼敦行以孝弟稱宗黨未樂二年舉經明行脩擢  
拜吏科給事中輝劾無所避出補雲南布政司叅議興  
利剔弊民夷翕服謝政歸甚貧時謂名位不及忠愍而  
廉介稱之

胡美漢沔人初名廷瑞至正間仕陳友諒為江西行省  
丞相守南昌 高皇帝率師征友諒有擣九江友諒走

南昌時兵威震疊胡美遣使納款 上至南昌美迎謁

上撫勞之仍故官從平武昌克海安克高郵下淮泗壽

下湖進圍蘇州執張瑄誠為征南將軍率安吉寧國等

衛軍出江西取福建降其首將進中書平章兼同知詹

事院事尋以督兵克建寧興化建陽福州延平執元將

陳子琦福建悉平統兵守禦 上幸汴召還扈從洪武

三年封豫章侯食祿千五百石賜鐵券改封臨川侯二

十六年卒

李廷深一名深景陵人國初從取江南晉陵徽州婺源

攻雲州援龍灣佐平饒州擣潯陽徇征蕪黃下豫章磨

戰彭蠡甲辰定武昌江陵湖之南北乙巳從克襄陽安

陸等處以屐功擢授景陵衛指揮副使鄧愈以湖廣行

省平章出鎮襄陽廷琛屬馬嚴號令練軍武繕甲兵脩屯田西禦王保保兵遇征討則備前驅洪武元年四月上勅諭愈曰即日總兵官大將軍信國公徐達副將軍鄂國公常遇春統領大軍已於三月二十九日克復汴梁見行進取河南等處城池教御史大夫鄧愈統領襄陽安陸景陵衛官軍前去征取迤北未附城池其景陵衛除存留官軍守城外其餘軍馬教指揮副使李廷琛統領參隨征進先是三月愈命廷琛同指揮王成等率師取唐州又取南陽至是奉旨即命廷琛同指揮吳復等攻取南陽各屬克之又平新寨麻張等叛賊克光石腦寨及降葉舞陽魯山等縣從拔徐州九月擊洪山老馬劉寨斬關而入擒殺其衆是年冬從討蜀河奔張獲之于是金商均房諸州悉定三年西擊王保保營五年從討澧州等處溪洞蠻夷皆預有功

唐修監利人洪武中貢精于法令歷試有功永樂初陞刑部侍郎

王貴江夏人父景仕元爲萬戶稱長者撫諸軍得其歡心貴少以智勇聞歲乙未以衆從授千戶累征有功

張武遠安人豁達有勇力涉書史爲燕山護衛百戶王師靖難克薊州取雄縣斬獲首將據月漾橋敗都督楊



松潘忠乘勝追至鄭州還已而與諸將敗長興侯耿炳文於滹沱河夾河之戰率壯士為前鋒突敵陣佯敗而走敵追其後武率眾邀擊之遂潰攻西水寨前軍遇夜失道敵追之急武潛率眾伏要敵不敢進累陞中軍都督同知封成陽侯守北京永樂元年八月卒贈潞國公謚忠毅出內廐鞍馬賜之今有司治葬具

白登斡州人襲封斡春侯年十歲入侍 已亥 上賜金牌鐫斡國武毅公五字

八年詔鑿開聖荒田下鳳陽

城後從徐達北征傅友德南征卒年二十二贈宣力武

臣斡國公謚忠愍孫淵登

姚名善字克脩洪武十八年以歲薦授監察御史永樂間建都燕京漕運未通名善首倡議疏河開運遂命協同平江伯陳瑄相地度勢築壩引泉及諸閘啓閉籌畫之功居多功成 詔進五品服色加俸級及卒配食平

江伯祠

岳奎臨湘人洪武間以孝廉舉入大學授監察御史

張庭蘭澧州人登洪武乙丑進士授審刑司詳議陞大

理少卿進左都御史

張毅慈利人博學有詩名洪武間徵入京上賜春鵠  
搏風題命賦詩稱旨擢國子監學錄尋陞本監監丞  
石盤阮陵人洪武中以薦入太學永樂初拜大理寺丞  
博學敦行諳達政體時稱為賢

鄧槐字大材蒲圻人洪武庚辰進士性資端慎守禮授  
成都新繁知縣創規制設條教脩水利懇荒田民多賴  
之再任新津政聲益著蜀志謂新繁有清白江槐以此  
自勵故終身清白

盧文政江夏人幼嗜學溫雅有度洪武己卯舉于鄉  
吏部主事累官大僕丞致仕年八十手不釋卷著歷代  
一覽

周琮字中方崇陽人監生性至孝洪武中授刑部郎中  
遷浙江左叅政調陝西借戶部侍郎左獻總邊餉竣還  
遇寇被害

戴綸字經邦蘄水人英邁方正篤孝友長音律領洪武  
庚午鄉薦任山東道監察御史出按山東風裁凜凜方  
面敬服與學士解縉交善解撰譜叙親書送之以糾劾  
逆時貴謫廣西梧州府通判章愈激烈再謫庫官尋改  
監倉墩鎖盤糧作木伴歌詞時貴益欲拘繫而危致之

第坐之無隙尋止綸行已歷官清苦自持而忠憤一節  
又有足以媿王魏於地下者鄉人至今稱之

何懷輝桂陽人洪武中以明習法令授大理評事遷都  
督府經歷勤勵匪懈歷陞通政使司參議

於顯黃梅長樂鄉人好讀書善騎射豁達多大節不事  
嬉媚甲申歸附 太祖累從征伐有功洪武三年 勅

諭授廣洋衛指揮使六年陞大都督僉事十三年改前  
軍都督府僉事卒贈開國輔運惟誠宣力武臣追封英

山侯前軍都督府僉事謚襄武

程立中字執夫嘉魚人家貧力學嘗後於官爲尹所壓

立庭下朗吟一詩尹曰才子也會有詔求遺逸遂薦之

授縣丞以催科後期繫獄一夕成詩百首 太祖原其

忠愛釋之俾復官九載致仕卒

周重字廷用江夏人母陳氏卒廬墓三年有文豹馴於

墓側人以爲孝感所致又捐貲造白洋橋輸粟賑饑義

聲丕著有司以事聞 朝廷旌表其門仍嘉其好義賜

以品服今郡城中有孝里坊爲重設也

童以明武昌人由舉人知廣西遷江縣縣僻陋以明不

鄙夷其民條學官之教設婚姻之禮遠至洞獠亦服從

焉在任六年而卒歸日行橐蕭然

伍寶鄖陽人幼喪父家貧為人傭作養母得菓實不食  
懷以歸隆冬無完衣主者或遺以絮衣不服皆以遺母  
比母卒水漿不入口者三日貸棺以葬日出傭工以償  
棺值夜反哭於墓工竣盡哀去莫知所之

鄭子輔郴州人以明經任本縣訓導陞安福令不受復  
改向容教諭所在咸立師範謝職教子塾登進士歷官  
陝西按察使嘗以俸錢易一絨褐歸奉子輔大怒封還  
以書責之塾欲相見與僚友謀請為鄉試考官子輔知  
之復怒責之曰豈有子庶訪而父典文衡乎其忠義之  
烈耿耿如是故世稱塾賢必知有子輔賢云

村金江夏人自稱漢陽老人居水濱烈日笠首躬督耕  
墾嘗曰夫忍耻入仕不因妻子衣食者幾希彼忍耻我  
勞力皆衣食爾顧我何如

王允茂字才英其先自瀏陽徙居蒲圻沙陽鄉學古通  
經操節高尚與劉三五陳南賓友咸顯于世洪武十八  
年舉明經授泰寧令釐革弊政民情翕然 太祖高皇  
帝錫之丹符以旌厥績卒于官所著有楚林集子愷有  
傳

李懋蒲圻人洪武初任新昌知州時兵燹之餘百務廢  
弛懋創建州治廳署譙樓規制宏偉學校橋梁悉加修

葦又為諭俗八條布之于民懇惻真切民咸感化

廖昇襄陽人以學行名與方孝孺王紳輩友善洪武中

為左府斷事 太祖知其賢擢太常少卿建文元年正

月勅脩高廟實錄昇與侍講學士高巽志副總裁昇博

雅有史才胡達負氣書靖難兵事語多撫實聞茹瑞等

龍潭還慟哭與家人訣自經死

徐執中名文贊華容人以字行有文武才畧博通經史

尤喜談兵與劉必弘道數相倡和著倡和集執中生元

季于終身誓不事元洪武間以經明行修舉為本學訓導

遷武昌教諭子一清字希穆亦以薦為蘇州訓導終蜀

府教授

方雄才羅田人以人才擢鴻臚卿 成祖御書如存堂

二扁旌其孝

潘子安由舉保任四川夔州府同知工於詩賦有海天

清嘯詩集傳在人 黃州

黃榮明銳有權謀充長司馬兵法洪武間戮力王師克

平陳友諒授指揮鎮黃州修城浚濠招懷降附一方賴

以生全 黃州

甘鏞字以聲湘陰人洪武己卯以明經薦授訓導除休

寧丞有政聲拜廣東道監察御史

顧成字景韶湘潭人祖父以操舟爲業往來江淮間遂徙江都成少有膂力喜習武事自文其身人稱顧花子歲丙申揚州歸附隸大將軍麾下以勇稱選爲帳前兵執纛蓋侍出入忠謹未嘗有過初授百戶從諸將征伐陞金吾衛副千戶帶刀宿衛扈從征陳友諒舟膠於淺成獨奮躍以背負舟而行陞堅城衛指揮僉事平蜀破貴州洞蠻克普定西堡陞昭勇將軍普定衛指揮使賜金帶鎮國將軍貴州都指揮同知初征雲南成鎮普定搃其後路人無敢叛陞驃騎將軍右軍都督僉事佩征南將軍印鎮貴州建文初 文皇帝舉兵靖難成率

采禦被執入見

上命解其縛

悉諭之令侍

皇太子

居守凡節制號令悉出其謀

論功行賞封鎮遠侯

會鎮貴州永樂二年招降貴州

諸蠻八年思州臺羅寨酋長苗亮等復叛命成討之

進兵擣其寨擒普亮斬之并戮其衆諸蠻震懾還師至

鎮卒追封夏國公賜謚武毅成容貌魁偉質直有膽畧

涉書史大意雖至大將不以富貴驕人在鎮日繕甲兵

申嚴號令威信並行蠻夷作生祠祀之及卒吏民哀慟

子八人統普定衛指揮使勤貴州衛指揮同知統先卒

陳謙茶陵人洪武庚戌任瀘州知州初瀘屬潼州後屬

重慶民稱弗便焉謙三疏之乃改祿藩司瀘地廣旱荒  
無倫謙於鄉村立社倉民以不饑九載秩滿民請于  
朝留復任三年其在官惟以蒼頭一人自隨及卒于官  
視其篋惟青布袍一襲大明律一冊米數升而已遂葬  
于瀘民至今猶祀之

程瑩羅山人志剛之子由吏員擢御史部主事轉貢外郎  
中陞廣東瓊州府知府少喪父事以丁盡孝及為主客郎  
中嘗繪思親圖以寄其思祖有義田為族之貧者典賣  
塋贖田定作祭田今猶存其在瓊州有惠政民立生祠

今與蕭共周輯張美胡明睿俱入鄉賢

魏文昌華容人有至性事父母極孝父獲死罪繫武昌  
獄文昌詣闕上疏願以身代高廟許之臨刑語其弟  
曰謹事二親如吾存時也遂伏法時年十有八歲邑中  
哀之

張懋德黃梅蘆塘村傭也母老妻喪餘一女僅能執爨  
元末大饑阻鬻工易粟求給衣食歡或與肉食則懷之  
明告有母在人亦不之訾紅巾賊起擔肩母與女走唐  
家山輒尋舊識丐薪米炊享坐母於上敬舞侑慰于時  
德懋未飯蓋二日矣母卒瘞骨宅傍朝夕葺壘哭奠終  
身云

蘇斌桃源人邑遭元兵民寡田荒額糧難辦洪武二十五年斌具疏上奏未報二十八年復擊登聞鼓自縊其下得其疏於懷中爲免二萬二千石併原里八十四爲今里邑民深德之

杜文德衡州人洪武二年以明經舉任府學訓導同知高從訓建理學校開拓基址士慕其德塑像鄉賢祠祀之

唐太貞東安人純實溫厚輕財樂義常建石期橋七年始成費八千餘金濟川宥江二橋亦與有力又置膳田

以給族之讀書者及卒邑中立祠肖象以祀之  
吳友遜道州人弱冠能武藝畧涉書史元末盜賊竄  
民無所倚友遜仗義有爲充萬戶保障地方人民賴安  
洪武初以本州戶籍獻于楊平章而歸附焉

李志道武岡人幼聰敏博覽群書洪武舉明經擢福建汀州知府固辭改判台州治家嚴而有法號竹軒先生  
劉廷蘭武陵人洪武丙子鄉薦授福建布政司理問陞工部郎中歷官清慎遷交趾按察司僉事終惠州知府  
劉以文字彥章黃岡人洪熙中任温州府照磨以廉能稱擢泰和知縣改陽城有美政璽書增秩命再任致仕  
民爲樹碑歿時耆庶數十人往吊于家立祠祀之御史



李經撰記

趙漢鎮武岡人性孝久嘗拾遺物悉以還失者洪武初舉孝廉授江西漕運同知子才昌洪武間以人材舉授應天府經歷廉潔著聲卒于官

于子仁武岡人洪武乙丑進士事母至孝任山東昌樂知縣驅虎患有惠政嘗以事逮繫語具辯疑百姓赴京保留陞登州知府有登泰山歌于官民祠祀之

甯夢龍字兆祥邵陽人以歲薦任饒州府推官致政家居值妖賊李承賢之變豫發其奸賊乃謀阻尋就誅戮事聞朝廷優詔褒獎

楊溥字弘濟石首人建文庚辰進士授編修永樂初

東宮爲洗馬東宮觀漢書稱張釋之賢對曰釋之誠賢非文帝寬仁未必得行其志因采文帝事編類以獻東宮大悅尋以事逮詔獄溥在獄中讀書不輟踰十年

仁宗初釋之擢翰林學士建弘文閣命掌閣事上親握印授公曰用卿左右非止助學問亦欲廣知民事爲理道助有所建白封識以進溥嘗密疏言事上褒美之

宣德初擢太常寺卿入內閣扈上出喜峯口征虜總裁兩朝實錄勉以直箴過失對曰直言求之非難受之爲難爾尋值內艱賜歸塋竣召還擢禮部尚書兼學士

裕陵即位 昭皇后臨朝溥復入內閣首言務聖學  
早開經筵慎擇講官選宮中侍從涵養德性 昭皇后  
召至後殿曰先帝每念卿忠不謂今日復得見卿溥伏  
地泣后亦泣又顧 上曰此三朝簡任皇帝萬機宜與  
共計宣德實錄成進少保武英殿大學士溥夙稟淳實  
方剛不尚機警至議政決疑舍已從人畧無係吝 昭  
皇后臨朝四海晏然皆其力也時稱三楊學士卒年七  
十五贈太師謚文定

周拱元沅州人少讀兵書出入辰沅蠻中蠻人信之建  
文元年應募入京試騎射策授錦衣衛所鎮撫軍前  
差遣占候輒中主將令引部兵防餉舟靖難後死  
康信其先隴西人以蔭任武岡鎮撫嘗征五開有戰功  
未樂初武開蠻叛信大破之餘黨退入靖州愈熾信復  
破其圍洞十餘追及綏寧之白崖後援不繼為賊所遮  
猶手刃六人遂遇害

王忠孝感人建文時以指揮守蔚州強勇自負靖難初  
歸欵北平戰白溝濟南滄州藁城率精騎為奇兵多斬  
獲累功陞督府僉事建文四年封靖安侯食祿千石與  
世券未樂七年戰沒塞北無子弟禮斌姪全累請嗣吏  
部言券文無弟姪襲文不允宣德間忠妻援武城侯姪

孫王玘例授斌京衛指揮僉事奉忠祀

王愷字特舉蒲圻人兒時即抱巨人志肆力于學未樂  
甲申進士知江寧剽煩剖劇處之裕如命撫畿甸逋氓  
旋集 上問戶部錢穀出納面對不爽預脩永樂大典  
進左中允時漢庶人構陷宮僚下獄愷誦讀不輟宣德  
初補廣西僉事時猺獞爲亂遣文武將臣同愷往撫土  
酋底平又捧檄綏勞貴州土夷 上賜遊後苑觀元宵  
燈愷疏陳六事特賜俞允征大藤峽襄翊有功至潯州  
建學宮炎徼向化轉廣東左叅議往撫欽廉叛寇事平  
刻石招遠山

鄧真字存誠江夏人永樂辛卯進士授監察御史上疏  
言特務十事 上悉從之擢山東按察司轉布政使有  
讞獄詳明政事通敏歷藩臬愛民如子卒于官吏民或  
見其行止如生以爲神繪象祀之

陳智字孟機咸寧人永樂間進士授監察御史按福建  
有張生者以誣殺妻論死智察其寃出之戊戌按南畿  
捕奸黨數十置于法擢陝西按察使剪猾理滯囹圄爲  
空洪熙初入覲兵部令朝覲官給養馬歲課其駒智上  
疏以太僕臨監司歲徵駒如紀綱何 上善其言關中  
饑岷州有造寺之後疏止之進江西右布政使適永豐

曾子良亂智戮其首惡餘皆宥免正統初進都御史諸道多滯囚智多平反上疏言邊務風紀三事皆允行智性剛猛御史張勗評囚致駁智答之四十勗遂與他誣落職

朱敏荆門人洪武壬午舉人未樂間拜御史風采凝重囊無贏餘嘗被抄沒惟敝衣一襲以是知其廉正卒于官歸葬命沿途有司祭奠

虞信字尚忱河陽人未樂中監生拜監察御史有直聲擢四川按察副使蜀有頑民爲患信首除之擢山東按察使子受屬吏金研信覺繫其子以聞上付信自治竟橫殺之轉河南右布政使信性亢直人不敢欺

王納穀城人未樂癸未進士知高唐州教民稼穡新學校均賦省刑急于賑荒秩滿父老詣闕留宣廟駕經其地聞其政嘉之詔賜金綺

何忠字廷陳江陵人未樂辛卯進士拜監察御史謹言正色出知政平州專尚德禮民夷懷服交趾叛忠在圍中藩臬大臣謂忠有才智膽畧使告於朝乞師忠縋城出被囚使徐訓洩之遂被執賊以甘言誘忠不可以刀鋸臨忠大罵不屈死之詔旌其門贈南寧府同知謚忠節

李志松滋人永樂中舉人才拜監察御史剛毅執法宣德間朶顏衛朝貢不至命志擊之志奏曰古者馭夷狄來不拒去不追今朝貢雖缺遽加以兵非懷遠之道遂罷兵見大司馬志

傅啓讓石首人永樂壬辰進士歷河南僉事清慎有為奏築隄以禦河水九載考最中州士民奏留之命復原職陟大理寺少卿讞議公平尋出督餉浙江

余汝弼宜都人力學好問居家孝友能傾已濟人里嘗太疫與諸兄煮湯粥往飲食之人懷其惠永樂辛卯舉于鄉擢管繕主事陞屯田知州居官儉約不改其志

士楊溥稱汝弼靜澹知義人以為名言

童寅字以敬隨州人永樂甲辰進士授監察御史出按蘇松以及滇南遼東諸郡風裁肅然補父趾按察使以母喪歸復除江西按察使廉介勤恪存心寬恕推明至公獄無冤滯既卒吏民哀悼護喪歸家無羸帛不能庇及其孥云

王聰蘄水人性謹畏膂力過人隸籍北平遇靖難師起聰多戰功封武城侯後征北虜戰死贈漳國公謚武毅王佐廣濟人太學生永樂間任徽州府同知代去民上章挽車以留許令復任民歡迎罷市幾二十年擢知饒

州府民愛之如徽以致政回僚佐或贐以金力卻之民  
爲立卻金亭

蕭昇字彥高黃岡人永樂丙戌進士拜監察御史九載  
上疏省親 文皇帝命給道里費賜勅褒之中允王愷  
贈之文稱其禮以律身明以折獄皂囊曉進臺閣生風  
白簡夕森奸回落膽其見重朝署如此

張璘字文玉黃岡人登永樂間進士歷官山東叅政宣  
德間調福建陞應天府尹廉潔幹濟不屈于中官雖讒  
說殄行終不能阻卒于官

劉仁宅字廣居永樂庚子鄉貢授知江西瑞昌縣下車

首陳三疏 朝廷可之于是蠲赤湖課二萬緡免沿江  
逋新十餘萬減民稅之耗于巨室者數千石抑橫植弱  
禁屯軍擾土著民困遂甦始瑞昌弗知織仁宅督植桑  
麻條古聖折語戒勸之先是九江邏卒索盜深山民與  
相格鬪卒膚剝民叛有司檄仁宅往單騎至山民爭出  
迎拜泣仁宅撫慰之且以私闕報藩臬二十餘家得免  
罪累嘗自京師歸值大旱弗入評妻子禱于神一雨三  
日澤及鄰壤辛酉擢浙江道監察御史已巳擢廣西按  
察副使時盜起嶺桂仁宅至撫順誅逆遠邇欣服景恭  
壬午蠻酋都指揮黃琬拔其嫡兄思明知府瑯闔門七

百口謬稱被盜謀以其子守思明仁宅廉得其實琬懼私使人于馬平驛捧千金爲壽且許事成盡輸其藏而父子各擁兵數萬于外以相挾仁宅陽許諾琬信弗疑至南寧琬二子來謁伏甲士縛之參政曾某亦誘執琬于潯以歸論死琬窮蹙遂創易儲議上之朝景皇特命釋之琬既得逞乃使人拮撫仁宅他事仁宅曰弗去禍將至矣遂委政歸鄉里英廟復辟琬伏誅所司䟽起仁宅卒弗應命家居二十有三年足跡弗一至城府後以子大夏顯進中議大夫贊治尹年八十一歲卒贈資政大夫兵部尚書

曹弘字文淵益陽人永樂乙未進士歷刑部員外郎恭慎潔清詳讞明允累遷刑部右侍郎巡撫淮南鎮靜不擾軍民懷之卒于官篋中無長物惟衣二襲帶二束而已

夏元吉字維詰湘陰人鄉薦遊太學選入禁廡書誥授戶部主事尚書郁新奇之與商確諸司事劉郎中者忌公會劾諸司怠事者上曰宥之新請必罪上怒新問誰教汝新免冠謝得已劉郎中因奏果人教尚書者意中公上問新爲誰對曰堂後書美生教臣臣愚過聽萬死上下書算生獄劉郎中又奏公專尚書柄言

前事實原吉教尚書 上曰聞原吉能佐尚書汝顧欲  
陷原吉耶劉郎中與書算生皆棄市建文君即位逾月  
陞戶部右侍郎明年充採訪使巡福建未幾移鎮蘄州  
靖難後轉左或言公建文用事人不宜大用 上曰原  
吉忠於 大祖以故忠於建文又豈不朕忠耶逾月進  
尚書永樂元年吳浙大水公行視水遣僉都御史俞吉  
賜公水利集累遣侍郎李文郁大理少卿袁復陝西叅  
政宋性佐公公言浙西諸郡蘇松最居下流常湖嘉三  
郡上田高多下少環以太湖綿五百里納杭湖宣歙諸  
山水注潞山諸湖入三泖頃浦港湮塞匯流漲溢傷

苗稼林治之法宜浚吳松諸浦港泄其壅淤以入於海  
吳松江袤二百餘里廣百五十餘丈西接太湖東通海  
前代屢疏以當潮汐沙泥淤積旋疏旋塞自吳江長橋  
至下界浦約百二十餘里雖稍通流多有淺窄又自下  
界浦抵上海南倉浦口可百三十餘里潮汐壅障交蘆  
叢生已成平陸欲即開浚工費浩大且灑沙淤泥浮泛  
動盪難以施工臣等相視得嘉定劉家港即古婁江徑  
通大海常熟白茆港徑入大江皆廣川浚流宜疏吳松  
江南北兩岸安亭等浦港引太湖諸水入劉家白茆二  
港使直注海松江大黃浦乃通吳松要道下流壅塞難



即疏浚傍有范家浜至南倉浦口可徑達海宜浚令深  
濶上接大黃浦以逕泐湖之水此即禹貢二江入海之  
跡俟既開通相度地勢各置石閘以時啓閉每歲水涸  
時修圩岸以禦暴流 上從之役夫凡十餘萬公布衣  
徒步日夜經畫盛暑揮蓋去曰衆亦體暴日中吾何忍  
歲饑奏發粟三十萬石賑濟二年還朝復出治水水洩  
農山大利召還部時賞功封建征夷下番營北京費億  
萬計皆取辦于公從 上北巡兼掌行在吏禮兵部都  
察院中八年上北征輔太孫留守北京總理行在九卿  
事諭曰朕以房玄齡視卿公旦入朝獨近衆前參決機

務朝退卽官御史環請事公口應手判不動聲色駕還

此京尋令侍太孫周行鄉落取壘黍進太孫曰願殿下  
味此知民艱苦九年滿考宴便殿諭廷臣曰原吉 高  
皇養成賢德欲觀古名臣此其人矣命與姚廣孝監修  
國史十一年扈北巡侍太孫居上營後十四年侍太孫  
還南京十五年從幸北京十八年宮殿成 命召太子  
太孫于南京十九年三殿災詔求直言言者輒云都北  
京不便主事蕭儀言尤峻 上怒殺儀曰吾與大臣密  
議數月言遷都便言官遂劾諸大臣 上跪言官大臣  
午門難遷都利害都御史陳瑛罵言官白面書生不知

大計上令左右問衆議云何公曰臺諫職言路且應詔  
陳言臣等備員大臣不能協贊大議臣等萬死罪再問  
對如初 上說盡釋言官大臣 上御便殿闕門每召  
公語移時左右莫得聞退則恂恂若無預者交趾平  
上問陞賞孰便對曰賞費于一時有限陞費於後日無  
窮 上從之法王來朝 上欲郊勞公以爲不可法王  
見便殿命公拜又不肯拜 上咲曰卿欲效韓愈耶過  
侍郎楊勉之遠矣十九年 上議征虜公力諫 上怒  
繫內官監籍其家竟北征阿魯台及兀良哈明年又征  
阿魯台又明年北征還至榆木川不豫顧左右曰原

愛我上計至太子走公繫所呼公哭曰楊榮至父皇賓  
天矣公伏地哭不能起太子召問國事公言方今民力  
竭于東南戎伍疲于漕運宜幸南京少蘇民困太子即  
位復公戶部尚書會母喪乞終制 上曰卿老臣宜共  
濟艱難卿有母我無父乎如卿辭職朕亦不當在此不  
允立太子兼太子少傅尋進少保兼太子少傅尚書如  
故支三俸固辭許辭太子少傅俸洪熙元年冬無雪  
上作憂民吟授公和手勅欲除鬻割鞭背連坐妖言誹  
謗之刑公與二三大臣密議聞 上從之賜田五頃建  
第兩京李時勉廷諍激 上天怒言時勉當朝辱朕公

曰時勉小臣豈能損聖德願少霽天威下法司議罪未  
晚太子去南京 上崩 昭皇后命公急迎太子太子  
將至群臣郊迎 后畱公佐襄王居守太子既即位時  
時密容公或袖小帖付公公亦時時有所白宣德元年  
漢庶人反指公徵赦租爲姦臣首 上夜召諸大臣議  
公免冠頓首曰臣罪當死 上曰彼借卿爲兵端耳命  
坐屏左右密議東楊首勸親征 上難之顧公對曰往  
事可鑒臣見所遣將語臣兵事輒泣臨事可知兵貴神  
速卷申趨之所謂先人有奪人之心也榮言是 上意  
遂決師臨城庶人猶令人縱城罵公三年賜範金銀印

曰舍弘貞靖曰謙謙齋曰後天下樂從巡邊還 上念

公老勅輟部務伴專論道左右明年夏召郭資代公是  
冬從闕武郊外公生日 上繪壽星圖爲詩賜公五年  
春卒贈太師謚忠靖復其家

易先湘陰人永樂初由太學生高等授交趾諒山知府  
多善政民夷信服秩滿還郡民詣巡臺乞留特命復任  
進交趾按察使仍治諒山宣德初交趾賊黎利攻陷諒  
山城先嬰城固守糧盡闔家同死事聞遣官諭祭追贈  
廣西右布政

翟霖武陵人永樂甲午鄉貢授湖州通判巨室抗不輸

賦霖以嚴慎臨之人不敢撓其法賦稅亦無逋負者竟坐事落職歸家環堵蕭然糊口不給人有餽遺非義一介不取以清白重於鄉

鄧崙字惟玉武陵人永樂甲辰進士授兵科給事中數上章䟽遇事風生嘗條軍務曰選將領練兵卒汰冗官犒邊軍禁邊弊止侵漁謹失機嚴紀律貸貧匠徙達官凡十事上論聽之陞河間長蘆鹽運使建議鹽課利害切時病者十餘事民商便之陟兵部侍郎尋卒

袁伯儀沅陵人博學有才識永樂鄉薦以道德自重拜監察御史廉慎克振風紀時中貴人與當路不協欲中傷之先使人謂伯儀曰若能爲我劾去此人當有美除伯儀曰善良善以取美官君子不爲也吾爲御史可聽刑人言乎遂上䟽論之後以病乞歸卒

荆政芳溆浦人永樂丙戌進士歷官交趾按察僉事改山東廉慎自持不苟取與致仕歸箚中惟俸金三兩家居不入城郭澹泊自如餽粥不給未聞怨悔言

王信沅陵人永樂中薦授監察御史守正不阿朝宁多憚之有囚論死暮托其鄉之顯者懷金餽之信拒之益峻竟抵如法

唐慎江華人永樂丁酉領鄉薦拜監察御史巡按廣西

有淫祠俗傳赭衣過廟者災慎服緋衣往焚其像廬其廟邪慝竟息後擢按察僉事

湖廣總志卷第五十二

湖廣總志卷第五十三

獻徵七 國朝

鄺楚字孟質直章人父子輔爲句容學官楚少事恭和王敬先學有本原永樂己丑登進士試政都察院癸巳拜監察御史時 文皇帝行在北京有言鈔法不行者衆謂將起大獄命楚往南京廉其事楚執市豪撓法者奏曰市人聞令皆震恐今法已行矣 上頷之而罷倭寇犯遼東楚往按問戍守之失律者凡百餘人皆應死楚開陳其可矜狀 上宥之山海關吏卒邀阻行人亡逃則受賕縱之去弊積滋甚楚歸至關悉擒治抵罪丙

申北京營造執役者累鉅萬 上念有病者命醫藥又慮其奉行不謹命埜察之埜躬履其地時其藥食病者多不死戊戌石州人有詣關告變者州民與陝人群聚千餘謀不軌迺擢埜爲陝西按察副使埜至祭其誣聞上命止弗問而誅其造誣者宣德己酉陝右饑埜巡歷其地乃遺旁縣粟賑焉羸病不能興者命粥食之民以全活庚戌聞父憂號痛輒欲絕治喪悉用古禮服除拜應天尹埜上言京郡秩正三品特給銀印與在外府治不同凡有政務面奉特旨及承行六部都察院劄付邇者監察官巡視遇有公務輒便追呼恣肆凌壓非所以

崇國體也宜定體式庶如古京兆尹斯可矣疏入從之埜以養民爲務凡市鎮田稅約束有法歲大熟麥有雨岐者民歸德于埜悉拒弗受正統改元進兵部左侍郎時西鄙有警埜獨任其事 上嘉其才荆湘民多隸戎伍埜家亦與特除籍以示優寵時京師久雨壞民室廬埜竊憂以爲陰沴兵象遂上疏以爲安內靖外在兵統兵馭衆在將必智者然後能運籌制勝勇者然後能奮威摧敵今邊方弗靖用兵禦寇四海之廣豈無如古孫吳衛霍者傳苟不豫求於無事之時何以應用於倉卒之際宜令公侯伯五府并各營把總官在外都布按三

司巡按御史廣詢博訪各舉所知具以名聞儻以不效連坐舉主如此則將帥得人兵政修舉矣 上聽其議先是麓川用兵楚舉定西侯蔣貴為將以往卒賴有功歲已巳秋七月也先深入逼近畿輔 上親征出居庸關駐龍虎臺楚扈從乘馬或勸少憇于懷來城楚以馬革囊戶自擔是月壬寅 車駕次鷄鳴山癸卯次萬金峪是夕金星犯亢甲辰次懷安是夕黑氣四塞乙巳次天城丙午次陽和是夕火星犯土丁未次聚樂驛戊申次大同庚戌次雙寨辛亥次滴水岩壬子次洪州癸丑次白登王振迫挾進兵成國公朱勇膝行聽命 車駕

尋次宣府虜踵至楚上言請疾驅入關嚴兵為殿王振力沮之皆不報又詣行殿申前請振怒曰汝腐儒安知兵事再言必死楚曰我為 社稷生靈而言胡為以死

懼哉振愈怒叱左右扶出楚與戶部尚書王佐相對泣帳中明日師覆楚死之年六十五贈少保謚忠肅官其子儀為主事楚為人端謹居官勤慎所至有冰檠聲丰采凜然獲宦四十年操履如一日王文端公銘其墓

陳勛字功懋沔之江北人賦性英敏少與其弟勉同業尚書孝友天性雖童子時如成人年二十四舉永樂庚子鄉試屢試於南宮不第北遊成均所交多海內名俊

後謁選在吏部試第一授本部司務長身玉立雙目炯  
炯尤善談論能詩文一時卿輔如楊文定公溥劉文安  
公定之皆折節下之雅善倫鑒裨在用舍以九載考績  
擢山東青州府知府青州在海濱地瘠而民悍乃加意  
拊循教民孝弟力田每行縣省畊繪為勸農圖又興學  
造士文行丕振未幾患足疾乞骸骨歸與其弟飲酒賦  
詩優游林下者二十餘年歲饑則發粟以賑凡宗族鄉  
黨皆賴之年七十三終

楊翰荊州人未樂間以貢授直隸廣德州守坦夷周慎  
勤恤民隱興學育才善政最多嘗以事被逮父老詣  
闕懇留 朝廷嘉之遣官慰賜勅還職尋陞戶部主事  
今家藏有 皇太子諭書

王友荊州人父榮燕山護衛百戶友嗣官事 成祖靖  
難時屢戰有功累陞都指揮僉事永樂二年丘福等言  
友前鋒摧敵功比劉才封清遠伯食祿千五百石六年  
征交趾功進爵侯與世券七年出塞築殺胡城飲馬河  
上與劉才並率衆轉餉車至擒胡山餉車不至士卒餓  
死 上大怒奪其兵付張輔八年從出塞坐縱虜失律  
罪死繫錦衣獄十三年以病釋出獄卒明年子順乞嗣  
不許令從安遠侯征胡自效二十二年陞羽林前衛正



千戶立功陞指揮僉事卒宣德三年子通病庶子鑑優  
給侯通有子還通子官十年鑑又乞嗣侯不許正統元  
年又乞嗣上曰友罪生斬不得嗣侯與指揮僉事景  
泰三年又乞嗣不許天順元年詔與都指揮使

曹弘字文淵長沙益陽人永樂乙未進士授刑部主事  
轉員外郎恭慎不怠宣德間陞刑部右侍郎巡撫淮南  
安靜不擾民多懷之卒于官篋中惟衣二

王偉攸人父成燕時偉年十二獻平胡頌文廟嘉之

克翰林院秀才登進士爲兵部主事有異才以征討

進本部侍郎

周禧字永吉澧州人鄉貢福建尤溪知縣長身美儀性  
嚴毅未明即視事吏胥鴈鷺行以進乎集公事止責諸  
直年臺卓一無所後民用晏然某帥巡六邑縱獵至尤  
溪聞禧著冰孽聲獨無所取後陞延平知府

周階字伯陞安鄉人通春秋永樂初以經明行修薦階  
以母老辭不就所著有井哇遺響

丁元貴平江人戶部掾閑于書筭永樂初從尚書夏元  
吉護駕親征北虜中道缺糧因與區畫所以便道取  
糧之策以給軍餉甚稱旨即除戶部主事尋陞本部郎  
中爲人秉性剛直時甚重之後陞常州知府不就致仕

卒于家

劉平生永州人事嫡母至孝其家被賊縱火行劫平生自外歸求母不得衣甚自投入火以救得免後于燼中得母骨誓必復讐赴京具奏詞極懇切得請發兵剿之黃鍾字景陽景陵人領永樂辛卯鄉薦歷知四川崇慶州改知山東武定時州方變故擇可使者以往鍾面奉

宣廟聖諭馳驛至州州賴安靖三年復命未幾卒

于官

張純字志忠江陵人永樂辛丑進士官宣德初授監察御史值歲大旱乃捐銀帶簪珥易粟為粥活民正統中擢

倉都御史上言十三事疏上允行撫畿內風紀丕振入

掌南京都察院拔僑黜貪尤得體擢兵部尚書

王恂字用誠公安人初名振以同中官名改之宣德庚

戌進士選翰林院庶吉士授檢討轉修撰遷大理寺丞

巡撫貴州克舉邊務民夷懷畏召改右庶子管司業事

尋摧祭酒恂謹厚喜誘迪諸生循循不倦比卒遣官致

祭給舟歸喪

鄒來學字特敏麻城人宣德間進士歷戶部員外郎中

從征麓川有功轉通政司叅議督儲山海關正統己巳

虜犯京師擢僉都御史提督軍務巡視畿甸諸關隘整

戎分屯邊務俱舉陟副都御史巡撫南畿上疏極言民災請留京儲備賑復輸運以省勞費特善其議未幾以勞邁疾卒諭葬

賀宗湘鄉人宣德庚戌進士授大理評事嘗疏言湘鄉田稅增重歲遭水潦民苦徵輸請減十分之一以紓疲民上從其請湘人賴以甦息正統間浙寇起宗畫策討平之

徐良字明善邵陽人性敏質粹嘗輯讀易指南允工詩文善草書素為鄉邦推重宣德中以經明行修任本邑訓導造就功多秩滿少傅楊溥薦知均州介守清約政

尚仁愛興學勸士有古君子風卒於官孫永澄登弘治癸丑進士

李寔字聲遠其先華陰人後徙沅陵雅度好修耽嗜經史工書深得右軍之體宣德間御史薛瑄以賢良方正薦固辭不起

趙彬沅州人聰敏好學宣德九年御史薛瑄駐沅以賢良薦除都察院檢校大學士楊溥雅重之後以病卒溥為文哭之所著有味道齋稿

賀讓衡山人宣德丙午鄉薦知瀘州廉明蒞事平恕愛民至好惡甚嚴不苟徇時俗權勢者忌之陞思州知府

去任之日瀘人攀號滿道留之不能得後數年為立仁政坊以表去思至思州撫馭有方民夷俱安尋致政歸行李蕭然惟市有瀝青數石為身後之計而已今廟食思州

劉祥監利人父魁領鄉薦任四川大足訓導卒祥哀毀不欲生廬墓三年母龍氏卒祥又廬墓三年人稱其孝李琥武昌人生而穎毅宣德間由貢授左軍都督府都事已巳之變隨駕北狩職橐餗捍牧圉侍左右備經苦楚執而不變有窻武子之風卒蹈鍾劉之難以身死之天順間追紀其勞蔭子思入監

施溥醴陵人性至孝母董氏疾溥籲天割股作羹奉母食之頃有起色既卒廬於墓側哀號如初喪有二鳥栖於墓樹聞哭聲輒悲鳴若助其哀者地故多鼠中服皆為所齒俄有猫至盡捕諸鼠磔之置墓傍而去

鄧珏字廷璧江夏人由進士歷刑部郎中貴州副使三十餘年廉介自持歸家足不履公署世祀鄉賢

漆永受洪武二十四年謫戍梧州永樂四年英國公張輔征交址永受時從指揮王諒千戶姚真進攻黃江身先士卒敗賊于馘子關又敗之于平海口七年從征清化擒賊首簡定于美良縣詔授交州中衛千戶後於慈

廉廣威二州節建奇功宣德四年調征义安亡于陣  
李寯字邦傑華容人宣德壬子鄉貢正統癸卯補都察  
院司務憂歸都御史陳鑑奏奪情起之已陞南京武選  
員外卽出補彰德知府成化初晉山西右叅政致仕寯  
爲人廉直敏慎嗜學工書故所居輒爲人所重始遊胄  
監祭酒趙琬大學士王文允敬愛之爲司務上封十四  
事內斥選法太宰王直侍郎何文淵項文曜俱深憾之  
洎守漳德趙諸王每出郭禱祠遊獵數百里外寯上封  
言之天子遣內侍逮其寀湯陰王對簿降勅褒獎寯  
仍命寯禁約諸王諸王官皆獲重譴已前後獲盜數千

咸晉陽人晉陽人怨寯刺骨湯陰今尚譏者以貪著名  
寯屢斥責辱之都御史賈某受其餽鹿馬遣人廉寯過  
靡所獲寯持益堅人率爲寯危寯弗顧也後自山西歸  
卜居黃湖山石田茅屋而已足跡不履城市居數載卒  
李璽字朝用耒陽人登宣德庚戌進士授監察御史巡  
按浙江江西陝西四川卓有能聲陞浙江叅政正統已  
己聞劇寇作璽提民兵分守三衢剿賊賜勅獎諭繼  
勦安吉強賊賜綵帛復同兵部孫侍郎原貞戮力攻寇  
賜寶鏹未幾陞雲南按察使璽至滇一新憲度值歲大  
饑䟽議賑恤民賴以活考居最特鎮守太監羅紀總戎

沐璘奏留一十三年遂以疾辭歸去後滇人立廟祀之  
孝宗即位推恩特進一級卒年五十有九賜塋祭  
解冠字委玄道州人授戶部主事性亮直不阿監兌浙  
江常例一切革之勤勞儲務邁危疾遂疏乞歸時巡按  
王璜知其清約爲置棺斂之具遣人以隨公至湘東始  
知之止受棺具反其贈金至祁陽疾革而終柩抵家行  
李蕭然惟衣半篋而已

曹璉字廷器永興人宣德己酉舉人初授嘉定州學正  
儀矩峻整文學縝暢正統末擢河南督學僉事以身爲  
教士習不變時十肅愍巡撫中州薦之遷陝西按察  
使都御史耿清惠公雅重其人令修通志清戎籍錄  
辟咸委任焉陟大理少卿叅贊延綏軍務謝事歸卒所  
著有裕齋集

呂鏞蘄水人宣德丙午舉于鄉授萬安學教諭陞河南  
宣陽知縣有政績調福建清流縣時縣寇鄧茂七陷清  
流邑無城郭可恃鏞拒之力不能支具服端坐庭中抗  
罵不屈遂爲賊解體清流人士哀其忠節於阜城廟祀  
之

張本端廣濟人宣德初任廣西僉事居父喪哀毀踰禮  
廬墓三年有鹿常伴於墓側人以爲孝誠所感云

黎忠字行恕武昌人正統中監生授建昌府推官闖寇  
鄧茂七攻陷隣境忠選驍勇屢出奇謀克摧賊鋒擢福  
建知府

辛浩字養正江夏人正統戊戌進士任監察御史彈劾  
不避權勢謫戍遼陽俗不尚文學浩至選將校子弟教  
之皆有成卒為名士天順中復其官

李浩字德廣德安人正統丁卯貢拜兵科給事中 英  
宗御朝見其儀狀偉甚每欲超遷之擢南京工部侍郎  
勅總京儲兼理屯政處置咸宜天順改元左遷貴州叅  
政未幾轉貴州布政使適苗夷為患拜副都御史往撫

治之尋四川大壩夷亂統雲貴兵征剿所向克捷加二  
品俸卒

王信字君實忠之子襲父職正統己巳虜犯京師拒戰  
西直門功陞指揮僉事尋征五開諸酋及破賊累擢指  
揮使出守鄖襄征石和尚劉千斤平之擢都指揮同知  
鎮湖廣疏陳八事切中軍政利弊進都督同知總理漕  
運信沉毅簡重被服儒素歷鎮大邦不營私產平居默  
坐讀書寒素如儒生賑恤婚喪無所顧吝晚徙襄陽子  
繼善從皆舉進士

周鑑字孔明正統乙丑進士選授監察御史出按江西

有大學士陳循子所為不法鑑按置大辟還其園奪田  
廬子女若干陳切齒伺以中之無所得已風部遷雲南  
按察司副使終陳在政府九年不遷鑑所至汰墨理枉  
仍開寶泉壩積水溉田多至數萬頃後以通考過家行  
江中風覆其舟僕有周濟者緣木從傍出芥舟得鑑尚  
端立無恙所賫俸金僅二百救衣數襲貯革囊中驛吏  
自水底釣以還鑑鑰識如故衆驚以為神尋陞山東按  
察使乞歸與布政李正芳僉事董應軫相友善三人者  
有雅望縣為建耆老堂于治右有大政及事疑而不決  
者必咨而後行之

曹子徽字士美公安人正統中監生授都督經歷廉介  
守正擢漢中知府深獲士民心憂歸父老赴闕留之不  
報

張瓚字宗器孝感人至統戊辰進士歷工部郎中通敏  
有才出知太原府以父憂去起復守寧波值市舶太監  
縱恣乃條上其不法事聲稱赫然擢廣東叅政轉浙江  
布政陟左副都御史巡撫四川以母病歸養時松茂疊  
三城在蜀為西境與董卜韓胡接壤易為騷動成化中  
諸夷挾吐蕃以叛詔起瓚視師瓚兵萬人分哨先襲白  
草壩剪其羽翼遂渡吐羊峪而岷山雪山靈山皆在其



境有乾海玻璃二泉分流南北北爲洮河南爲江漢之  
源卽古維州舊地璜悉討平之播州土官奏天壩千苗  
倡亂璜請立安寧宣撫司上皆允之以功晉戶部右侍  
郎辭弗就乞終喪復起右副都御史總督漕運巡撫鳳  
陽卒于官賜祭塋所著有土苴稿東征錄  
李慶字積善景陵人正統九年以歲薦授建昌府同知  
同官治財者慮愆期致罪追索甚急慶爲緩期民悅之  
卒輸納無敢後以宅憂去民追送出境而還陞南戶部  
郎中調禮部儀制宿弊頓革遷兩浙鹽運使嚴簿書絕  
請謁有持券請鹽者按歲月先後給之二年歲課二倍

尋乞歸卒於舟慶廉介自守布衣蔬食處之澹然歿之  
日無以爲喪邑人至今稱之

鄧鑑黃陂人任光祿署丞正統己巳從 英廟北征亡  
於陣景泰初錄其子爲裕州守

羅琥茶陵人正統中通判南陽捕盜縱被誣者五人積  
粟麥三十萬石撫綏流民萬餘戶築封丘隄八十餘里  
改衢州以擒賊功進南京戶部郎中會尚書缺署部事  
諸司咸祗令焉

張榮沅陵人正統中以太學生高等薦歷戶部員外郎  
累上疏以恭儉恤民爲請并列奏其病民罔上者數事

上皆嘉納後以病歸

雷復字景陽寧遠人正統丙辰進士性資純穎博洽經史任行人擢拜監察御史出補廣西按察副使轉浙江叅政山東布政使召為禮部侍郎改副都御史巡撫山西歷官公正廉能臺綱振肅宦履無間言鄉邦仰而敬之

審良祁陽人正統乙丑進士天順間任行人上平蠻策擢刑部員外郎轉浙江叅政處州賊平奏免運舟價數萬緡進浙江左布政使

王詔字伯宣衡陽人正統壬戌進士授禮科給事中景泰中免天順初累進工部右侍郎國史稱其儉素簡默云

劉訓字忠言麻城人正統己未進士知金壇縣有惠政時邑士王豪錢樹俱貧訓為給俸資遣遊學後二子俱登第性儉素公暇躬治蔬圃以自給巡撫周忱為魚菜戶各一人以供助之擢拜監察御史廉直有風裁家宰王翺特疏薦其治行為天下第一尋拜山西叅政卒今祀金壇名宦子遂登弘治庚戌進士

翟亨正統中任指揮使征麓州偕其弟戰死事聞諭祭朱英字時傑桂陽人正統乙丑進士拜監察御史十四

年己巳奉命撫綏閩浙英計獲首賊周明松諸黨悉平  
劾中官善增姚廣時論躋之遷廣東參議議均徭法民  
甚賴之都御史葉盛甚加器重屬英會兵勦賊守將范  
信妄殺英請班師全活甚衆轉福建陝西布政使召入  
爲都御史臺中御史王珙等議易東宮英與給事中林  
聰力爭之未幾擢副都御史巡甘肅首陳安邊十事繼  
陳八事皆利于固圉及總督兩廣務在節財將臣多譴  
張邀功悉厲禁之有梗令者誅其首惡諸山獯獪還復  
舊業悉心嚮化陝石都御史英上言責諭安南及整饬  
邊防諸事皆允其議田川土目黃明叛英計擒之又

立營柵于龍州衆以爲宜成化甲辰召掌都察院事以  
病疽卒年六十八贈榮祿大夫太子少保謚恭簡所著  
有認真子及澹菴紀年誠菴遺稿子守孚字中孚成化  
己丑進士歷刑部郎中在職嚴謹諸司奏牘悉委看詳  
錄囚北畿及雲貴多所全減成化乙巳卒姪守恕成化  
壬辰進士初授涉令改脩武擢監察御史陞雲南僉事  
朱海字克寬桂陽人正統乙丑進士拜雲南道監察御  
史擢江西按察僉事持身清白卒于官殯歛無所資子  
守恕剛毅廉能有父風成化壬辰進士知河南涉縣擢  
監察御史轉雲南僉事仕宦奕世不改寒素

梅芳黃陂人正統間領歲薦性朴實多大節初任福建布政司理問平寇千餘有軍功居鄉力行古禮鄉人冠昏喪祭視以為法所生五子不易教三子登科歷政有聲致仕二十餘年非公事不出題其壁曰故舊不遺請托勿許里中稱篤行者必曰梅幕云

王竑字公度江夏人徙居陝西河州衛正統己未進士授戶部給事中十四年英宗北狩景帝監國廷臣伏闕劾中官王振罪錦衣指揮馬順叱衆令起竑奮臂摔順髮啣其肉百官爭挽順死由是直聲震天下北虜犯順擢僉都御史督守居庸諸關事平巡撫淮陽兼總

督漕運官軍畏服乂之際副都御史英宗復辟有言

論其擊順事罷爲民四年復起原職征平涼寇七年復督漕運憲宗登極言官薦陝兵部尚書時兩廣出師竑上疏多見採納致仕卒賜祭葬

馮世雍字子和江夏人生而穎異博極群書過目輒不忘才華瞻麗工書及詩尤喜爲古文辭弱冠登正德己卯鄉薦第嘉靖癸未進士累官史部郎中出守臨安徽州二郡有惠政雅志恬退家居二十年足跡不至公府人咸慕其文學而重其高潔焉所著有三石文集呂梁

志行於世

明書總志

卷七

趙說麻城仙居鄉人性孝友以詩書教授鄉里父母同日而沒說號慟欲絕者屢負土成墳廬於墓側有二白鵲馴擾人以為孝感之祥正統間旌表其門

王庾字仲京江夏人正統中進士任戶科給事中因邊患以練達治體暫改御史勅巡山西練兵守備事平擢左給事中景泰初以力量能薦復 勅鎮河南平生無過舉歷官廣東右布政使

陳恭寶慶城步人幼喪父行傭以供母每得食未歸獻不敢先嘗母喪傭於劉傑家得所償以殮及葬廬墓三年

潘文浩黃梅人正統間出監生任廣西灌陽知縣至誠慘怛薄歛省役生平不起非念神明可質治有虎噬人浩為文禱於城隍越三日虎伏死廟門毛鬣若有答杖痕嶺獠奸黠素為民患不可制乃以恩誘其黨而術縛之降繇是疆場寧謐在任十有五年擢梧州知府

張浩字養正澧州人任工科給事中澧舊有運京白糧民苦之浩為奏免鄉人至今賴焉後從征交趾紀功還卒

羅鑑字景昂安鄉人以春秋領鄉試第一初為歙縣教諭捐俸闢址建學脩書院萃諸生講貫卓有文名兵部

海虞紀事 二 十七  
侍郎王偉薦鎡可四川提學格於例僅陞保定府學教授有春秋一覽并詩文集行於世歛立企德堂祀之曾瓚字廷器邵陽人登正統戊辰進士授戶部主事器行端敏富於詩文善楷書居官有聲性寡合爲權貴所忌而歸

李田字舜耕嘉魚人景泰甲戌進士歷戶部郎中成化初督餉征蜀有功擢廣東左叅議海南夷叛躬抵巢穴懇切開諭夷皆效順進左叅政閱歲辦綵幣除墨印之弊累遷副都御史巡撫京畿歲饑發廩賑之嘗建議增漕以足邊餉嚴令以警邊烽給財以市戰馬設法以完

隊伍專任以責成功立禁以息詬訟皆允行之中官汪直用事怒田不私謁遂歸或休以禍無懼色

汪浩字弘初石首人景泰辛未進士授南京大理寺副天順初出補四川按察僉事時成夔潼嘉諸郡寇作浩多方經畧擒斬萬餘擢僉都御史巡撫四川平劇賊趙鐸等加副都御史往討都掌叛夷尚書程進督戰益急浩言發其窖藏軍餉益裕卒致底定論者以其殺降謫配北鄙所著有平西錄

李愷江陵人景泰間舉人知永新縣縣有梅花峒民梗化不趨賦役者殆百年愷單車詣峒諭以恩威擇數百

人詣縣克者吏義官人皆感服擢吉安府同知

陳金字汝礪應城人祖琳景泰中進士拜南道監察御史改知岳池縣撫流亡辯寃獄治儲禦寇著績擢按察僉事金舉成化壬辰進士知婺源婺源人祀之拜監察御史風采疑重歷擢副都御史巡撫雲南勞績茂著進南京戶部右侍郎總制兩廣軍務先是都御史韓雍開大藤峽金至值岑猛告變極力區畫疏改大藤為永通邊夷底寧進南京戶部尚書會江西桃源盜起詔總七省兵平之進太子少保復總制兩廣入掌院事值車駕南征還次通州時宸濠就執竊柄江彬輩欲淆功罪金首

言濠不軌王守仁伍文定起兵勤王廷議遂定尋加少保致仕金虛直好善剛果有為志在立功不問家事年八十三卒

董廷圭字國器華容人景泰庚午鄉試第一人辛未進士拜監察御史時西北多事邊備廢弛命守白羊口廷圭至屢疏軍中利病有守帥暴橫劾去之清理河南積歲隱匿補伍凡五萬人都御史李秉林聰極加禮遇臺中章奏及讞獄咸賴之值經筵糾講臣濫與者四方災異上言彌災十事擢山東副使監司疑獄必付之有薦為巡撫及太僕卿者大臣私忿竟寢格不行人或勸以

少貶徇時廷圭曰枉已覲榮顯吾不爲也其砥節獲方類若此歷任中外家無寸土比歿殯歛皆鄉鄰賻助鄧廷瓚字宗器景泰中戊進士初爲浙江淳安知縣問民疾苦專施惠政不求赫赫名以故無知之者都御史張鵬巡撫廣西也獨薦可知梧州會以母憂去不果已而貴州新設程番府地居萬山中夷獠雜錯又百具未舉吏部以廷瓚補之至卽悉心規畫城郭街衢祠宇廨舍次第興建榜諸夷受約束廷是諸夷咸感化程番遂如中州云居程番九年遷山東布政司叅政歷左布政使會貴州黑苗叛乃擢爲都御史提督軍務至貴招撫

不從乃決策勦之斬首六千餘級生獲二千餘人寇平上言都勻清平故設二衛屬九長官司厥後世祿驕縱稔惡穰患致夷獠侵奪四十餘年今黨惡削除非大更張不可事下兵部如議廷是始設都勻府獨山麻哈州清平縣流土官兼治焉遷左都御史總督兩廣軍務益事安靜遇不職吏直去其甚者諸司濫設咸奏除之曰祿出於民可徒費哉變劫掠率出沒閩楚諸郡上言都御史金澤巡偏方非宜當以江西委之俾諸司並節制卽軍糧可調度云而湖廣衡州設兵備遷治郴州便又言廣瀧水故爲賊巢宜卽其地立千戶所調新兵守禦



給隙地屯種爲久計 上皆可焉于時鬱林州雲鑪大  
柱四會諸種作亂悉平之未幾卒在任贈太子少保謚  
襄敏廷瓚自爲郡縣至總重鎮圖事務濟待人勿疑雅  
量宏致罔測淵奧厥中明炳人亦鮮及  
賀助湘鄉人景泰丙子鄉薦第一人歷官雲南叅政以  
直著稱與俗寡合引疾還家屏居一室環堵蕭然  
沈溥字大霖辰州衛人景泰癸卯鄉薦性剛直疏朗喜  
談論博學疆記凡天文地理陰陽醫術律曆开名罔不  
窮究授廣西靈川知縣民徭雜處稱難治溥操縱有法  
民夷安之在任十一年致仕壽至九十卒

歐陽復字時亨桂陽人景泰辛未進士歷兵部員外郎  
出知泉州府政平刑簡釋囚致雨遘疾郡人禱於神以  
祈祐者十餘人比卒哭之如喪考妣立三太守祠祀蔡  
尹歐陽三公至今泉民禱輒應大學士彭時記之

方觀武岡州人性至孝年十四喪母哭泣踰禮父患痰  
嗽觀憂思每夕焚香籲天尋愈及卒水漿不入口者三  
日比葬父雨走禱羣神已而果霽負土成墓廬其側三  
年不御酒肉養繼母沈氏若所生沈卒遂終身廬墓墓  
木爲牛踐傷乃躡踊悲號牛忽自斃鼠啣祭器觀以不  
善護藏自責俄一鼠踰伏祭器中不去觀舉而釋之景

泰中事聞旌表其門

徐綱應城人年七歲失父不茹葷事母盡孝後母喪廬於墓側六年挑土成山手植竹樹成林有犬隨其墓所鴉集林木綱日三號哭犬鴉亦為之悲見者悚動

武毅華容人任廣西叅將臨陣身先士卒多樹戰功時千肅愍公為兵部尚書每授毅以成筭毅輒能行之而智督過人馭下嚴明蠻夷畏服之累官都督僉事

劉諒字守貞興國人景泰間以國子生授鹽城令竈戶非重犯例不服有司勾攝諒至別竈戶之籍名于官者餘悉編氓法乃得行城啓閉由守禦所以故凌有司

乃白于當道奪城禁鎖鑰掌於縣慨科目乏人延禮碩彥訓誨庠士暇則出郊勸農親授芸刈之法值蝗禱於城隍蝗皆入海荻死每旱禱輒雨雨不出境有一村雨不及使人庶其故則得妻殺夫寃人尤異之偶宿民舍夢有赴愬者明日猶投竈死命掘之下一古墓為徙塋是夜又夢赴愬者來謝淮賊喬亮當道捕不獲喬貫鹽城責諒捕喬聞曰母累仁賢父母自投聽解出鹽城境仍亡入海終諒之任不為患當道獎為淮之治行第一九載考績民不忍去復留三年致仕

傅銑字貴華平江人質實不華言行不苟景泰間省祭

于家連遭父母喪前後廬于墓側六年壘土成墳植木為林猶不忍去鄉人服其孝義

楊海清城步人有勇略為眾推服景泰八年洞苗肆掠邵湘海清率其妻及其徒追戰於龍王橋格殺數十人以後援不繼與妻徒俱遇害今有祠祀

楊廷芳字孟仁邵陽人天順庚辰進士性執不阿遇事敢為歷官貴州按察僉事亡何棄官歸環堵蕭然經學不廢郡守石鳳嘗分俸以贍之人稱年幾百齡學長三絕

呂昇宇明遠襄陽人天順甲辰進士任戶部郎中擢雲

南參議值蒲蠻叛奉檄宣諭夷皆服以病去官

艾福字天錫襄陽人天順庚辰進士授監察御史按山西浙江竝著能聲擢光祿卿上疏斥異端省供餼坐繫獄奪俸後進禮部侍郎仍署寺事乞休福習世故通達

有識晚在尚方受侮力辭人以是多之

王軾字用敬公安人以進士授大理評事審錄四川用刑平允陞四川副使值貴州黑苗叛播州土官請征之軾訶知其情得不遣擢本司按察使清決滯獄囹圄為

空進僉都御史提督巡江轉副都御史總理京儲剗弊剔蠹尋撫貴州振揚風紀召入為大理卿陟南京戶部

尚書兼副都御史討貴州酋婦米魯事平加太子太保  
謚襄簡子貢賞貢領鄉薦有父風賞早卒以孝行聞

曾鑑字克明桂陽人天順甲申進士初授刑部主事通  
州民十餘輩坐盜獄且具鑑辯其誣尋以父喪闋服改  
工部督造供應器物綜理甚密調吏部驗封遷稽勲員  
外郎服闋再入驗封進郎中奏議精核人無訾議成化  
丁未擢通政司右通政尋領武官誥藉弘治庚戌遷太  
僕寺卿馬政修舉壬子擢工部右侍郎督易州山廠乙  
卯召還轉左侍郎修倉庾理官掖胥治克唐府冊封使  
庚申拜尚書修諸禁門社稷壇及京城垣陴凡涉公帑

民力者執藝以諫 上嘗召至便殿趣造戰車鑑言  
辦不可亟請以舊所積榆槐爲之又嘗問工匠缺乏鑑  
歷陳災傷逃徙之故皆見嘉納正德丙寅修盧溝橋隄  
製內殿龍毯特賜玉帶月餘病乞休進階榮祿大夫嘗  
著銅柱賦

劉大夏字時雍天順己卯鄉試第一第進士改翰林院  
庶吉士授兵部職方司主事陞車駕司郎中改職方是  
時中官獻取交南策以中旨索永樂調兵數甚急也大  
夏故匿其籍尚書余子俊日杖吏促之大夏曰吏死一  
人耳交南即成死者豈特萬人哉事遂寢朝鮮使請改

貢道中官有爲朝鮮人地者下兵部議大夏曰貢道自  
鴉骨關由遼陽經廣寧前屯入山海迂大鎮凡三四非  
祖宗微意邪今所請改道逕懼貽他日憂事亦寢雲  
南猛密曩罕弄侵木邦中官王舉嘗索猛密寶石不獲  
也疏請征之曩罕弄重賂大學士萬安召大夏啖以美  
遷俾設安撫司大夏不可時論譴焉虜數寇雲中邊將  
失律報每至部尚書必詢策大夏其言輒效也久之陞  
廣東右布政使田州泗城亂大夏以檄往諭厥詞懇悉  
亂者悟兵竟不用陞浙江左布政使凡八月而吏蠹剗  
革法令恢廓會黃河北徙張秋鎮黃陵岡咸決阻運

病其民

敬皇帝以大夏爲右副都御史理河事大夏

集議河性猛悍張秋其下流喉襟未可輒治治上流便

于是大夏導河南行復築長隄禦橫波且防山東大名

患俟其執塞馬邑乃疏孫家渡河三十里四府營十里

築長堤起河南胙城蓋徐州經滑長垣東明曹鄆諸邑

亘三百六十里云是役也五旬而告成進左副都御史

佐院事已而陞戶部右侍郎改左侍郎兼僉都御史使

雲中經畧皆中機宜既三疏請告得歸三年上用羣臣

薦陞大夏左都御史總督兩廣軍務大夏至廣乃即興

利削弊靡所左顧先是班軍爲鎮守總帥私役者蓋千

計大夏于是述。祖宗養士卒意及上委付重托告總  
鎮咸出所役還馬軍威始伸又戒諭降十三村盜藩臬  
將領守令武衛悉舉所減否數白處之踰年上特以大  
夏爲兵部尚書是時上勵精爲治任大夏如左右手  
人材政事刑罰軍民興革進退可否去留之宜靡不及  
大夏議行焉而大夏亦殫竭所用不爲遜避視朝罷即  
召大夏屏左右論國家事雖至親密咸莫與聞將進大  
夏吏部因預閣柄于是同位大臣多側目大夏亦有去  
志矣居無何上崩殺皇立大夏數乞致仕進太子  
太保賜爾書月廩歲大粟侍歸歸一年劉瑾亂政素街

大夏焦芳劉宇贊之乃拂他事捕大夏繫獄左都御史  
屠鏞力解猶謫戍肅州正德庚午瑾誅赦還又七年丙  
子大夏卒謚忠宣遣官諭祭營塚墓蔭其孫如愚國子  
生云大夏性坦夷。讓厚慈仁。清白。而所自植立堅不可  
易。歷中外四十餘年。學士大夫無問識不識。即無不仰  
之若山嶽者。邑舉人張應宿會朝鮮使鴻臚寺使問大  
夏起居曰聞中國有李西涯。劉東山云其爲華夷所重  
如此華容

黎淳字太樸華容人天順丁丑進士第一初爲翰林院  
脩撰預脩大明一統志純皇帝即位克經筵講官成  
明廣德志

化丙戌陞左春坊左諭德丁亥脩 睿皇帝實錄成陞  
左庶子丁酉脩續資治通鑑綱目成陞詹事府少詹事  
戊戌陞吏部右侍郎素惡選人稱貧恣貪也聞輒手錄  
之即廢黜以是九載坐尹龍事改南京丁未陞南工部  
尚書已乃改南禮部上疏言正風俗革奸弊諸事辛亥  
以疾乞致仕歸踰年卒淳性耿介端毅寡鮮諧合重倫  
紀尚節儉其所自樹植即幽隱勿媿作字不爲行草家  
法整肅訓子弟咸天理言允濬早沒撫其孤民獻及女  
如已子遇二弟以息居吏部時子民安幼就童蒙師外  
館某縣吏適至館所問諸童蒙父家知安爲淳子也以  
閩扇贈安安携歸揮焉淳鞠所從立呼吏具領牒持去  
其清脩類是乃子孫亦遵其訓二子咸進士爲尊官仕  
蓋七十餘年云然國史謂其遠形跡過于畏慎其或有  
所據乎

李東陽字賓之茶陵人曾祖文祥以戎籍隸金吾遂居  
京師東陽蚤負奇氣四歲能大書 景皇帝召見抱置  
膝下賜以上林珍果及寶鏹六歲復兩召之試講尚書  
大義命隸業京庠天順壬午年甫十六舉順天鄉試甲  
申登二甲進士第一選庶吉士授編修甲午轉侍講癸  
卯進侍講學士甲辰克 東宮講讀官弘治己酉遷左

庶子兼侍講學士辛亥預脩 憲廟實錄成擢太常少  
卿仍兼前職掌翰林院事元日講官尋擢禮部侍郎兼  
侍讀學士典誥勅乙卯命兼文淵閣大學士預機務時  
安南侵占城國奏請命官往問 上欲從之東陽疏諫  
宜勿聽中官李廣以燒煉齋醮被寵東陽上疏極諫時  
武岡知州劉遜逮繫科道會奏 上震怒俱下獄東陽  
上疏救之 上為霽威召至平臺奏事始復舊制因東  
陽之諫也戊午 皇太子出閣加太子太保禮部尚書  
五月復召問親定團營總兵官九月清寧宮災東陽疏  
奏近年災異頗仍內府尤烈或者以天變不足畏禍患

不足慮或以齋醮祈禱為彌災縱囚釋罪為脩德災  
聖德莫此為甚且賄賂公行賞罰失當紀綱廢弛賢否  
混淆工役繁興軍民困憊下情不達上澤不宣愁歎之  
聲上干和氣災異之積正此之由越二日有為李廣乞  
祠額者又欲召能仁寺僧入大內慶讚東陽屢執奏以  
為不可 上俱從之甲子命祀孔子于闕里還朝上時  
政䟽命有司議行乙丑 上不豫召入受顧命 武宗  
登極加光祿大夫柱國兼太子太傅戶部尚書謹身殿  
大學士丙寅東陽上疏諫視朝太遲免朝太多奏事漸  
晚嬉遊漸廣等事言極切直不聽復上疏曰 先帝顧



命惓惓以陛下爲托臣痛心刻骨誓以死報邇者羣  
災疊異併在一時歷觀載籍徧閱古今未有如此而不  
亂者且詔令廢格變易殆盡憂在于民生國計若罔聞  
知事涉于近倖貴戚牢不可破或旨從中出畧不預聞  
或有所擬議徑行改易臣若諉顧命之名不盡輔導之  
責天下後世其謂臣何不報又上陳政令十失 上下  
諸司議革之尋加少師兼太子太師吏部尚書華蓋殿  
大學士丁卯劉瑾擅權適尚寶卿崔璿御史姚祥主事  
張偉爲邏卒誣執荷校長安門外東陽上䟽力救之命  
戍邊時聞內苑御舩獵獸復上䟽切諫不聽戊辰六月

給事中安奎御史張或忤瑾被罪及都御史楊一清逮  
繫至東陽屢䟽力救之是月早朝有投空名文書數瑾  
罪者 上疑群臣所爲悉逮詔獄東陽又力救之庚午  
六月旱霾東陽條上寬政四事一曰寬逃軍拐馬之罪  
二曰寬僉書職員之罪三曰寬盤查糧草之罪四曰禁  
官校羅織之非䟽上會慶府寘鐫叛命太監張永同都  
御史楊一清討平之師旋獻俘永發瑾姦狀 上即命  
擒之以東陽有反正功加特進左柱國廢其從子兆蕃  
爲尚寶丞東陽復上䟽切諫言 高皇 文皇創業定  
鼎之艱難 列聖相承之罔怠以及 先帝顧命 聖

慮之深遠惟欲帝思祖宗授受者隆體生民仰賴者切每于朝奏講讀之暇安處宮闈溥施恩澤起居以節游豫以時保養天和培植國本則六氣莫能侵百邪不敢近矣不報時巨寇劉六等衆至數十萬東陽晝晝宵籌卒致底定加廢一子爲錦衣指揮上䟽力辭上以京軍不習戰陣欲調邊軍入衛京師東陽上䟽陳其十不便狀不聽遂乞休賜之勅詞旨優渥仍廢其從子兆延爲中書舍人卒年七十贈太師謚文正所著有懷麓堂稿

劉端字本正寧鄉人生母鄧蚤世幼事父濟以孝聞天

順己卯領鄉薦授潮州府同知聞父訃卽匍匐歸被髮徒跣數日不食治塋遵古禮廬墓三年不履城郭服闋改西安府開涇陽廣慧渠鑿石引涇水溉五邑田七千頃民立生祠祀之致仕歸囊無贏帛而時享必豐潔事闡旌表其門進階朝列大夫所著有東岡集

劉濬鄖陽人登天順甲辰進士授句容令擢拜監察御史有直聲時宰輔媚事汪直勢傾中外請按蜀欲䟽其不法事條奏之尋中道遘疾不果卒

袁玘興寧人家貧力學登天順甲辰進士歷刑部郎中治獄平恕性復廉潔卒下官惟圖書敗簾而已鄉人稱

其清同郡人崔巖嘗與有司議給官田以贍其家

從龍字雲舉故安陸州人也為弟子員時有學正朱輝

卒于官龍扶櫬還鄉候安厝乃歸天順乙酉以禮經中

鄉試筮仕富順知縣陞知麻哈州時民俗皆被髮左衽

龍令家人教民織巾以冠仍聘隣邑諸生訓子弟以詩

書遂成衣冠文物之俗歷任五年民立生祠祀之尋陞

南陽府同知未幾適懷慶知府缺吏部疏其名以上會

逆瑾求賂龍遂三疏乞休獲 俞允仍月給米四石以

獎恬退居林下嘗捐貲以廣學地嘉靖改元進階朝列

大夫壽九十一終至今鄉人稱剛正者每以龍為首云

王廷桂字時莫宜章人天順壬午鄉薦授江西贛州府

同知時巨寇流劫州縣廷桂率鄉兵征之死于難事聞

贈江西右叅議錄其子玠

唐震醴陵人進士授戶部主事歷員外郎中勤廉公謹

兩署部堂家人以公輔期之為三原王恕之所器重叅

議四川提督建昌六衛邊儲清植不渝于初修城建堡

政績顯著有土官勒馬賢者爭地殺人暮夜以金賂震

震却之弗受設法擒捕置之法軍民咸樂業焉其他善

政若除恠誕去淫祀不可殫述屢獲旌獎而越雋衛特

下源澧州人祖父皆蚤卒家貧其年四十事祖母護母  
楊至孝天順乙卯澧大饑源自漁蘭江易米以供妻劉  
採菱蕨自食而高堂常饌不乏伯母蘇早寡無子源迎  
與母居孝養如一愈久不衰知州 田子俊疏其事以聞  
馬安石門人父喪膝行負土成塋 廬墓三年有司以聞  
旌表其門

方宗秩字伯序巴陵人通春秋三試文場不第遂歸隱  
淹貫子史尤善詩詞耕桑樵採自食其力勵志無求真  
有伐檀遺風其鄉之子弟有所疑難講解者多於耕畔  
求之天順間知縣袁綱以經明行脩舉不就太守吳公

亦嘗延之賓館質問理道其抗節養高如此

譙謨華容人有才學能賦詩隱居不仕以吟咏自娛天  
順初遊京師石亨欲薦之乃遂歸鄉里邑縉紳學士咸  
禮重焉謨嘗集古梅花百韻至今傳誦

余昊伍開衛舍人屯耕新化天性純篤父喪哀毀水漿  
不入口者數日天順八年大疫鄉民罹者十九母李氏  
亦染病幾危昊焚香籲天求以身代母遂愈人謂孝感  
所致

李端字宗正郴州人登天順丁丑進士授固安知縣及  
瓜霸州民聞其政平請治霸不許陞灤州知州改涿州

陞杭州知府

...

...

...

...

...

...

...

...

湖廣總志卷第五十三

終



